

Idi oojai ooji Paavora Λvaavoitudadami RoomΛrΛ oidacami

¹ AanΛ ΛrPaavora Suusi Cristo piooñigadΛ. Dai gΛnoojidi aanΛ aapimΛ vaavoitudadami RoomΛrΛ oidacami. Diuusi giñmaa sΛlicami ansaidΛ Λrootosicamicana aanΛ dai Λcovai giñvusaitu ansaidΛ gaaagidiña aanΛ sai Diuusi cΛgacΛrΛ gavuvaidi.

² ΛΛquioma Diuusi ñiñiooquituldiadamigadΛ ooja Diuusi ñiooquidΛrΛ sai Diuusi aagai sai poduucai ΛpΛduñia agaitadai. ³ Agai aagai sai divia agai gΛrtΛaanΛdamiga Suusi Cristo Diuusi maradΛ ismacΛdΛ tΛvai tΛvaagiañdΛrΛ. Agai oodami duucai vuusai daidΛ ΛrΛraí Davicaruru cajiudadΛ. ⁴ Suusi Cristo muu dai Λpamu duaaca coidadΛ saagidaiñdΛrΛ. GomaasicΛdΛ cΛgga gΛmaí issΛlicΛdΛ ΛrDiuusi maradΛ dai viaa guvucadagai dai tomali Λmo imidagai maisoimaasi idui. ⁵ Cristo cΛgacΛrΛ giññaidi cascΛdΛ giñagidi ansaidΛ Λrootosicamicana aanΛ, Diuusi ipΛli cascΛdΛ. Dai giñootoi Λgai ansaidΛ gaaagidiña Diuusi ñiooquidΛ sai poduucai vΛasi naana maasi oodami saagida oidacana sioorΛ vaavoitudadagi dai ΛΛgiadagi. ⁶ Dai aapimΛ ΛrΛmo oodami ismaacΛdΛ Diuusi Λcovai vuvaitu mΛsaidΛ ΛrmamaatΛrdamigadΛcana Suusi Cristo.

⁷ Diuusi gΛnoigΛdai daidΛ Λcovai gΛnvuvaitu mΛsaidΛ ΛrmaamaradΛcana. AanΛ ipΛlidi is-Diuusi gΛrooga ΛΛmadu gΛrtΛaanΛdamiga Suusi

Cristo cʌʌgacʌrʌ gʌnnʌijadagi dai gʌniibʌstudacan taadacagi.

8 Suusi Cristo cʌʌgacʌrʌ giñvʌsaitu cascʌʌ viaa aanʌ sʌʌlicami isñioocadagi Diuusi ʌʌmadu. Dai aagidi aanʌ Diuusi isaliʌ baigiñʌlidi aanʌ vʌʌsi aapimʌcʌʌʌ. Tomasiaaco siaaco aimʌrai aanʌ gʌʌagai gʌnvʌavoidaraga cascʌʌ. 9 Aanʌ ivueeyi Diuusi aa duiñdadʌ vʌʌsi giñguvʌcadagacʌʌʌ maioojodaitai gaaagidi aanʌ isSuusi Cristo Diuusi maradʌ ʌrcʌʌgacʌrʌ vʌviadami. Diuusi cʌʌ maata iñsaana aliʌsi gʌntʌʌgitoi vʌʌscʌrʌ siuu duucu gamamadadagi. 10 ʌʌqui abiaadʌrʌ daanʌi aanʌ Diuusi sai giñmaacana oigaragai isʌgai ipʌliadagi sai aanʌ istuidʌna ismʌʌca gʌndividagi. 11 Gʌnnʌida iñʌlidi aanʌ, dai vaamioma gʌnsoiña iñʌlidi mai vaamioma cʌʌga oidaca isducatai Diuusi ipʌlidi mai vaamioma cʌʌga vaavoituda aapimʌ. 12 Siʌʌscadʌ nʌida aanʌ mʌsʌʌ cʌʌga vaavoitudai aapimʌ dai aapimʌ nʌida siʌʌ cʌʌga vaavoitudai aanʌ aipaco baigʌrʌʌliatudamu aatʌmʌ.

13 Giñaaduñi aanʌ ipʌlidi ismaatʌca aapimʌ ismuyoco imidagai gʌnnʌidamua iñʌlidiña aanʌ dʌmos maiquia istui. Aanʌ ipʌlidi ismuidutai aapimʌ Roomʌrʌ oidacami vaavoitudagi Suusi Cristo dai ʌʌgiadagi ʌpan duucʌi sibʌcoga oidacami siaaco gaaagidiña aanʌ Diuusi ñiooquidʌ ʌʌpʌ, cascʌʌ imia iñʌlidi aanʌ dai gʌnnʌida iñʌlidi. 14 Aanʌ viaa isaagidagi Diuusi ñiooquidʌ ʌgiliego dai aa ʌma maasi ñioocadami, dai sas-tuduacami dai maisastuduacami. 15 Poduucʌi ʌʌpʌ sʌʌlicʌʌ ipʌlidi aanʌ isgʌnaagidagi aapimʌ

Roomarar oidacami isSuusi Cristo arcagacara vuviadami.

¹⁶ Aan maisiaa arai isgaaagiadagi isSuusi Cristo arcagacara vuviadami. Siascada gaaagiadagi aana gomaasi vascatai soora vaavoitudai cagacara vuvacai Diuusi guvucadadacada. Araga Diuusi ñioquida arjudidiu vataratadai damos sivi arvascatai vatar. ¹⁷ Diuusi ñioquidarar aagai sai soora vaavoitudagi isSuusi Cristo arcagacara vuviadami Diuusi cagacara naidiña ducami istomali amo imidagai maisoimaasi ivuaadamudai. Aequioma poduucai oja Diuusi ñiñoquituldiadamigada dai pocaiti: “Sooora vaavoitudagi Diuusi, Diuusi cagacara naidiña ducami istomali amo imidagai maisoimaasi ivuaadamudai, dai agai vascara oidacamu Diuusi amadu”.

¹⁸ Caga gamaata isDiuusi alia soimaa taatamitldi vasi soimaasi ivuaadami. Agai soimaasi ivueeyi dai poduucai maidadagitoi aa isvaavoitudagi istumaasi arvaavoi. ¹⁹⁻²⁰ Asoimaasi ivuaadami caga maata isoidaga Diuusi. Tomasioora naidi vasi istumaasi oidaga oidi daama dai poduucai ca maata isoidaga Diuusi tomasi mainaidi oodami Diuusi. Aidasi abiaadarar Diuusi idui oidigi caga gamaata isoidaga Diuusi, dai isagai tomastuigaco viaa guvucadagai, cascada agai ismaacada maivaavoitudai agai lagi arduñida isDiuusi soimaasi taatatuldagi. ²¹ Tomasi caga maata asoimaasi ivuaadami isoidaga Diuusi vascara maisiaa duutudaiña

isducatai gaaagai, tomali maipocaitiña agai sai baigallidi Diuusicada. Baiyoma agai tatagitoti istumaasi maicacagaducami dai vaamioma maimaata caacana istumaasi cacagaducami. ²² Tomasi polidi agai isali sastuduga dmos vaamioma vupuiurutu. ²³ Dai agai gaaagai isiaa duutuadagi Diuusi ismaacada tomastuigaco oidaga dai vascara maisiaa duutudai baiyoma idui agai momoono uusicada dai ooodaicada apa maasi oodami, dai apa maasi ujuurugi, dai apa maasi cacasi, dai apa maasi cocoyi, dai siaa duutudaiña poliditai isagai ardidiuusi.

²⁴ Cascada Diuusi gajiaadara viaa agai dai dagito saida ivuaadana agai istumaasi sigal nanaascami istumaasi agi agai ipali isivuaadagi, dai sai googosi ganducamicana. ²⁵ Agai maivaavoitudai istumaasi aagai Diuusi tomasi caa maatacatadai isiarvaavoi. Baiyoma vaavoitudai istumaasi maitarvaavoi. Diuusi idui oodami, dai ujuurugi, dai cocoyi, dmos aoodami idui moono ismaacada apa maasi oodami dai ujuurugi dai cocoyi dai siaa duutudaiña. Dai maisiaa duutudaiña Diuusi siora aliasi gaaagai issiaa duutuadagi vascara.

²⁶ Cascada Diuusi gajiaadara viaa agai dai dagito sai googosi ganducamicana. Asta ooqui dagito cacalli dai agi googosi ganducamicana. ²⁷ Dai cacalli agi poducaivueeyi apa dai Diuusi alia soimaasi taatamitildi cascada cocora poducaivuaadatai.

²⁸ Aidasida asoimaasi ivuaadami camaitipali isvaavoitudagi Diuusi tai Diuusi gajiaadara viaa dai dagito sai tatagitoina naana maasi

maicΛCΛΛgaducami daidΛ ivuaadana mui naana maasi istumaasi maitΛaagai isivuaadagi. ²⁹ Λgai Λrsoimaasi ivuaadami dai googosi gΛnducami dai maicΛΛ tuutuiga dai viaaca Λlidiña mui naana maasi istumaasi viaa aa dai coimudadΛ tuutuiga, daidΛ Λrgacoodacami, dai oomaliga, dai yaatavoga, dai naana caiti nΛidiña aa ³⁰ dai aagatΛraga istumaasi maitΛrvΛΛtarΛ, dai cΛΛdai Λgai Diuusi, dai gΛgΛrducΛdΛ gΛnΛlidiña, dai maisiaa duutudaiña aa, dai vΛΛscΛrΛ tΛtΛgitoiña isducatai soimaasi ivuaadagi, dai maisiaa duutudaiña gΛndΛΛdΛ, ³¹ dai maimaatΛ caΛ istumaasi cΛCΛΛgaducami, dai maitivueeyi istumaasi aagai, dai maioigΛdai oodami, dai maioigΛldi aa, dai maisoigΛnΛlidi aacΛdΛ. ³² Tomasi cΛΛ maatΛ Λgai istumaasi Diuusi tΛjai oodami saidΛ ivuaadana dai maatΛ Λgai sai siorΛ soimaasi ivuaadagi maitistutuidi isiimiagi Diuusi ΛΛmadu dai vΛΛscΛrΛ apiasoimaasi ivueeyi dai baigΛnΛlidiña Λgai siΛΛscadΛ aa pomaasi ivuaadagi ΛΛpΛ.

2

¹ CascΛdΛ isΛmaadutai pocaitiadagi sai aliΛsi Λrsoimaasi ivuaadami Λoodami ismaacΛdΛ glaagai tami sai glaagai issoimaasi taatagi ducami ispocaitiadagi sai Λgai ΛpΛ glaagai issoimaasi taatagi. Λgai Λrsoimaasi ivuaadami ΛpΛ Λpan duucai Λgai cascΛdΛ. ² Dai cΛΛ maatΛ aatΛmΛ iscΛΛga ivueeyi Diuusi siΛΛscadΛ soimaasi taatamituldiadagi ismaacΛdΛ soimaasi ivueeyi. ³ SiorΛ pocaitiadagi sai aliΛsi

arsoimaasi ivuaadami aa dai vΛΛscara ʌpan
 duucaí ivueeyi maitʌagái ispoliʌadagi sai
 Diuusi maisoimaasi taatatulda agái ʌgai ʌpan
 duucaí soimaasi taatatulda agái ʌgaa soimaasi
 ivuaadami. ⁴ Oodami maitʌagái istʌʌgitodagi
 ismaicʌʌga ivueeyi Diuusi baiyoma aliʌsi gʌagái
 istʌʌgitodagi isDiuusi maiquia soimaasi taatatuli
 dai aliʌ caʌ tuiga vui sai ʌma duucaí tʌʌgitona.
⁵ Dʌmos iscatʌvʌpi daivuñiagi vai ʌgai vΛΛscara
 ʌma duucaí gʌntʌʌgitua Diuusi vaamioma
 soimaasi taatatuldamu, siʌʌscadʌ diviagi ʌgai
 dai nʌidagi ismaacʌdʌ ʌrcʌʌga ivuaadami dai
 ismaacʌdʌ ʌrmaicʌʌga ivuaadami. ⁶ Siʌʌscadʌ
 diviagi Diuusi ʌgai baiduñia agái vΛΛscatai
 ʌʌmadu. ⁷ Sioora apiaivuaadagi istumaasi
 Diuusi ipʌlidi ipʌlidity isDiuusi baigʌʌliadagi
 ʌgai vui dai isvΛΛscara oidaca agái Diuusi
 ʌʌmadu, Diuusi maaquia agái oigaragai sai
 vΛΛscara oidacana ʌgai ʌʌmadu. ⁸ Dʌmos Diuusi
 aliʌsi soimaasi taatatuldamu ʌgai ismaacʌdʌ
 vuidʌra vʌʌtʌ Diuusi dai maivaavoitudai Diuusi
 ñiooquidʌ baiyoma soimaasi ivueeyi ʌgai.
⁹ Sʌʌlicʌdʌ soimaasi taatamu vΛΛscatai ismaacʌdʌ
 soimaasi ivueeyi, ʌpʌga ʌjudidíu dai gooquiʌra
 ʌgai ismaacʌdʌ maitʌrjudidíu. ¹⁰ Dʌmos ʌgai
 ismacʌdʌ ivueeyi istumaasi Diuusi ipʌlidi,
 Diuusi baigʌʌliadamu ʌgaicʌdʌ dai iibʌstudacan
 tadacamu, ʌpʌga ʌjudidíu dai gooquiʌra ʌgai
 ismaacʌdʌ maitʌrjudidíu.

¹¹ Diuusi nʌida agái vʌʌsi oodami ismaacʌdʌ
 ʌrcʌʌga ivuaadami dai ismaacʌdʌ ʌrmaicʌʌga
 ivuaadami. Dai Diuusi soimaasi taatamitulda agái
 vʌʌsi ʌsoimaasi ivuaadami. ¹²⁻¹⁵ Diuusi soimaasi

taatatuldamu agai ismaacada maitarjudidiu
soimaasi ivuaadamicatai agai tomasi maimai
 agai Moseesacaru samicamigada ismaacada maa
 Diuusi. Caa maata agai istumaasi arcagaducami
 dai istumaasi armaicagaducami, vasi oodami
 caga maatacana siascada soimaasi ivuaadagi.
 Dai Diuusi soimaasi taatatuldamu ajudidiu
 soimaasi ivuaadamicatai agai. Agai maata
 Moseesacaru samicamigada ismaacada maa
 Diuusi dai vascara maiagidi cascada. Caga
 maata agai istumaasi arcagaducami dai vascara
 maitivueeyi. Ismaacada agidi Diuusi ñiooquida
 agai gia cagacara vuvaidi Diuusi. Dai agai
 ismaacada maiagidi Diuusi ñiooquida tomasi
 maata agai gia maicagacara vuvaidamu Diuusi.
16 Amo imidagai Diuusi otosa agai Suusi Cristo
 sai naidana ismaacada arcaga ivuaadami dai
 ismaacada armaicaga ivuaadami. Agai maata
 asta istumaasi tatagitoina oodami. Vasi gomaasi
 agai ismaacada gaaagidi aana.

17 Diuusi maa Moseesacaru judidiu aduñda
 gasamicamiga cascada ajudidiu povanlidi sai
 Diuusi cagacara naidi dai cascada gagarducada
 ganlidi. 18 Agaicada ismaacada ooja Moseesacaru
 caa maata agai istumaasi Diuusi ipalidi
 isivuaadagi oodami dai caa maata istumaasi
 arcagaducami dai istumaasi armaicagaducami.
19-20 Agai maata vasi istumaasi aagai
 Moseesacaru samicamigadara cascada polidi
 agai saida istutuidi ismamaatatuldagi agai
 ismaacada maimaata Diuusi ñiooquida.
21 Dai ismaacada polidi saida istutuidi

ismamaatʌtuldiagi aa ʌgai gʌagai isivuaadagi poduucai isducatai gamamaatʌtulda ʌliadagi. Ismaacʌʌ gamamaatʌtuldi sai maitʌagai isgʌʌsiadagi ʌgai maitʌagai isgʌʌsiadagi ʌʌpʌ. ²² Dai ismaacʌʌ gamamaatʌtuldi sai maitʌagai isgoogosi gʌnducamicagi ʌgai maitʌagai isgoogosi gʌnducamicagi ʌʌpʌ. Dai ismaacʌʌ cʌʌdai momoono ismaacʌʌ siaa duutuadagi oodami maitʌagai isgʌʌsiadagi istumaasi oidaga quiquiuupiʌʌʌ siaaco oidaga ʌmomoono. ²³ Dai ʌgai ismaacʌʌ gʌgʌrducʌʌ gʌʌlidi pocaititai sai Diuusi aagidi aduñʌ Moseesacaru istumaasi ooja ʌgai dai cʌʌ maata ʌgai istumaasi aagai sʌʌlicamiʌʌʌ dai vʌʌscʌʌʌ maiʌʌgidi poduucai aliʌ soiduucai nʌidi Diuusi. ²⁴ Pocaiti Diuusi ñiooquidʌʌʌ: “Aapimʌ ismaacʌʌ ʌʌʌjudidíu soimaasi ivueeyi cascʌʌʌ ʌgai ismaacʌʌ maitʌʌjudidíu vui ñioocai Diuusi”.

²⁵ Vaavoava saidʌ ʌʌcʌʌgai isiaʌʌjudidíucagi isʌʌgiadagi ʌgai Moseesacaru sʌʌlicamigadʌ dʌmos ismaiʌʌgiada ʌgai aidʌ gia ducami ismaitʌʌjudidíucagi ʌgai. ²⁶ Dʌmos isʌgai ismaacʌʌ maitʌʌjudidíu ʌʌgiadagi Moseesacaru sʌʌlicamigadʌ Diuusi cʌʌgacʌʌʌ nʌijadamu ʌgai ducami isiaʌʌjudidíucagi. ²⁷ Siʌʌscadʌ ʌjudidíu maiʌʌgiadagi Moseesacaru sʌʌlicamigadʌ tomasi caoojisicami viaa ʌgai dai ismaacʌʌ maitʌʌjudidíu ʌʌgiadagi Moseesacaru sʌʌlicamigadʌ poduucai gʌmaata isʌʌjudidíu maicʌʌga ivueeyi. ²⁸ Maisiu vʌʌsi ʌjudidíu ʌʌʌDiuusi maamaradʌ tomasi iquitʌqui ʌgai tuutucugadʌ poduucai isduucai aagai Moseesacaru sʌʌlicamigadʌʌʌ. ²⁹ Baiyoma Diuusi

maamaradΛ arΛgai ismaacΛdΛ Diuusi maacai
ibΛdagai utudui dai poduucai Λgai camaitivuaada
Λlidi istumaasi soimaasi dai Diuusi IbΛadΛΛΛmadu
daja Λgai ismaacΛdΛ vaavoitudai dai ΛΛgidi Diuusi.
Dai Diuusi cΛΛgacΛrΛ nΛijadamu Λgai tomasi
oodami maicΛΛgacΛrΛ nΛidi.

3

1 VΛΛscΛrΛ aliΛsi arsoiñi isarjudidíucagi
oodami daidΛ arsoiñi isΛjudidíu iquitΛquicagi
tuutucugadΛ. 2 Diuusi Λcovai vuvaitu Λjudidíu sai
Λgai oojana ñiooquidΛ dai nuucadacana Λoojai.
3 Vaavoava sai ΛΛmadutai Λjudidíu maivaavoitu
Diuusi, dΛmos Diuusi gia vΛΛscΛrΛ iduuñimu
istumaasi aagai. 4 Λgai vΛΛscΛrΛ ivueeyi istumaasi
aagai, tomasi vΛΛsi oodami yaatavoga. Pocaiti
Diuusi ñiooquidΛrΛ:

Tomasi oodami polidi ismaitarvaavoi istumaasi
aagai Diuusi,

VΛΛscΛrΛ nΛidamu Λgai isiarvaavoi istumaasi aa-
gai Diuusi.

Ascaiti Diuusi ñiooquidΛrΛ.

5-6 DΛmos isΛmaadutai pocaitiadagi sai
siΛΛscadΛ soimaasi ivuaadagi oodami sai
poduucai gΛmaatΛ isDiuusi cΛΛ tuiga dai cascΛdΛ
maitΛaagai issoimaasi gartaatamituldiada Λgai,
tomasi pocaiti ΛΛmoco vΛΛscΛrΛ maitarvaavoi.
Diuusi vΛΛscΛrΛ cΛΛga ivueeyi siΛΛscadΛ soimaasi
taatatuldi oodami.

7-8 ΛΛmo oodami giñiooquidi dai pocaiti ansai
gamamaatΛtuldi aanΛ sai gΛaagai issoimaasi
ivuaada oodami sai poduucai sioma cΛΛga
gΛmaatΛ isDiuusi maitarsoimaasi ivuaadami.

Λgai pocaiti ansai gamamaatΛtuldi aanΛ sai isyaatagΛda Λmoco poduucai siooma cΛga gΛmaatΛ isDiuusi maitarsoimaasi ivuaadami. Diuusi maiyaatagΛi cascΛdΛ. Sai cascΛdΛ Diuusi maitΛagai issoimaasi taatamituldiagi ismaacΛdΛ soimaasi ivueeyi. DΛmos Diuusi cΛga iduuñimu siΛscadΛ soimaasi taatatuldiagi Λgai ismaacΛdΛ pocaitiadagi.

9 AatΛmΛ judidíu maivaamioma cΛga tuutuiga siaa oodami. CamaatΛ aatΛmΛ isvΛasi oodami oidigi daama oidacami arsoimaasi ivuaadami.

10 Pocaiti Diuusi ñiooquidarΛ:

Tiipu tomali Λmaadutai maisoimaasi ivuaadami.

11 Tiipu tomali Λmaadutai ismaacΛdΛ maatΛ caΛcagi Diuusi ñiooquidΛ.

Dai tomali Λmaadutai maimaatΛca Λlidi iscaiti Diuusi ñiooquidarΛ.

12 VΛscatai gajiaadarΛ vipieeyi Diuusi,

Dai vΛscatai arsoimaasi ivuaadami.

Tomali Λmaadutai maitivueeyi istumaasi Diuusi ipΛlidi.

13-14 VΛscatai aryaatavogami daidΛ
Λroomaligami.

Dai mosΛagi soimaasi ñiooqui aagaiña Λgai.

15 TomastucΛdΛ gΛncoodaiña oodami.

16 GomaasicΛdΛ soiduucai gΛnnΛidiña oodami aipacoga.

17 Dai mosgΛncocoda Λlidiña Λgai.

18 MaiΛbΛidi Λgai Diuusi.

Ascatai Diuusi ñiooquidarΛ.

19 CΛΛ maatΛ aatΛmΛ isDiuusi maa Moseesacaru
ΛsΛlicami sai oodami Λgídítai caΛcana.

Diuusi sállicadla soimaasi taatulda agai sioora maiaggiadagi dai agai maiviaacamu isducatai gansoiñagi. Dai poduucai apvaasi oodami oidigi daama oidacami arsoimaasi ivuaadami Diuusi vuitapi. ²⁰ Moseesacaru sállicamigadadla maata aatama isiarsoimaasi ivuaadami. Diuusi calgacala naidi oodami ducami istomali amo imidagai maisoimaasi ivuaadamudai vaavoitudaitai agai Suusi Cristo maisiu alligitai calcatai Moseesacaru sállicamigadla.

²¹ Aidasi maiquiaa divia Cristo tami oidigi daama ajudidíu ganaajagaiña iscalgacala oidacagi dai agiadagi vvasi Moseesacaru sállicamigadla, agai polidiña sai poduucai istutuidi isiimiagi Diuusi lamadu. Dai gooquiara Diuusi ootoi Cristo tami oidigi daama sai agai maatauldana oodami isducatai istutuidi Diuusi iscalgacala najjadagi oodami ducami istomali amo imidagai maisoimaasi ivuaadamudai. Diuusi ñiñoquituldiadamigadla casi gaaagidadai isDiuusi poduucai iduñia agaitadai. ²² Tomasioora ismaacada vaavoitudai isSuusi Cristo arcalgacala vuviadami. Diuusi calgacala najjadamu agai ducami istomali amo imidagai maisoimaasi ivuaadamudai. ²³ Tomali amo oodami maitivueeyi istumaasi Diuusi ipalidi vvascatai soimaasi ivueeyi cascada. ²⁴ Diuusi oigaldi agai ismaacada vaavoitudai isSuusi Cristo arcalgacala vuviadami dai calgacala naidi ducami istomali amo imidagai maisoimaasi ivuaadamudai. Diuusi poduucai ivueeyi oigadaitai agai. Diuusi maitataanai namagadla

cΛΛgacΛrΛ vuvaidaragai. ²⁵ VΛΛsi oodami aliΛsi soimaasi ivueeyi cascΛΔ gΛaagaitadai isDiuusi soimaasi taatatuldagi dΛmos Diuusi ootoi ΛSuusi Cristo tami oidigi daama sai muucuna curusiaba dai soimaasi taatatuli dai poduucai Λoodami camaitΛaagai issoimaasi taatagi soimaasi ivuaadatai. Diuusi cΛΛgacΛrΛ vuvaidi Λgai ismaacΛΔ vaavoitudai gomaasi. VΛΛsi gomaasi idui Diuusi sai poduucai maatΛna Λoodami isDiuusi cΛΛga idui oigΛdacai ΛΛquidΛ soimaasi ivuaadami. ²⁶⁻²⁸ Dai isDiuusi apiacΛΛga ivueeyi sivi oigΛditai dai cΛΛgacΛrΛ nΛiditai vΛΛscatai ismaacΛΔ vaavoitudai isSuusi Cristo ΛrcΛΛgacΛrΛ vuviadami maisiu Λgai ismaacΛΔ pocaiti sai cΛΛga ΛΛgidi Moseesacaru sΛΛlicamigadΛ cascΛΔ maitiipu istuisidΛ gΛgΛrducΛΔ gΛnΛliadagi tomali Λmaadutai.

²⁹ Diuusi ΛrDiuusigadΛ Λjudidíu dai Λgai ismaacΛΔ maitΛrjudidíu ΛΛpΛ. ³⁰ Mosali Λmo Diuusi oidaga dai Λgai oigΛldi dai cΛΛgacΛrΛ nΛidi vΛΛscatai ismaacΛΔ vaavoitudai isSuusi Cristo ΛrcΛΛgacΛrΛ vuviadami tomasi ΛrΛmoco ismaacΛΔ iquitΛa gΛtuucuga ischo ΛΛpΛ. ³¹ Tomasi Λrvaaivoi iscΛΛgacΛrΛ vuvacai oodami vaavoitudaitai isΛSuusi Cristo ΛrcΛΛgacΛrΛ vuviadami vΛΛscΛrΛ aliΛsi gΛaagai isΛΛgiadagi Diuusi sΛΛlicamigadΛ.

4

¹ Avraañicaru ΛrgΛrΛΛqui aduñicaru. Sivi nΛidamu aatΛmΛ isducatai Diuusi cΛΛgacΛrΛ nΛidi Λgai ducami istomali Λmo imidagai maisoimaasi

ivuaadamudai. ²⁻³ IsAvraañi iduuñimudai amo istumaasi cʌʌgaducami sicascaɖa cʌʌgacʌɾa nʌijadamudai Diuusi aidʌ gia viaacamudai Avraañi istuisidʌ gʌducʌɖa gʌʌliadagi. Dʌmos Diuusi ñiooquidarʌ pocaiti: “Avraañi vaavoitu Diuusi cascʌɖa Diuusi cʌʌgacʌɾa nʌidi ʌgai”. Cascʌɖa Avraañi maiviaa istuisidʌ gʌducʌɖa gʌʌliadagi. ⁴ Isʌmoco iduuñiagi amo aa duiñdagai aamudʌ gʌaagai isaa namʌquidagi, mʌstumaasi aa namʌquidagi maitʌroidicami. ⁵ Diuusi ipʌlidi isʌoodami cʌʌgacʌɾa oidacagi dʌmos maisiu poduucai oigʌldi dai cʌʌgacʌɾa nʌidi Diuusi ʌoodami baiyoma Diuusi oigʌldi dai cʌʌgacʌɾa nʌidi amo soimaasi ivuaadami ismaacʌɖa vaavoitudagi Diuusi. ⁶ Davicaru aagai sai aliʌ baigʌʌlidiña amo oodami siʌʌscadʌ Diuusi oigʌldagi dai cʌʌgacʌɾa nʌijadagi vaavoitudacai ʌgai Diuusi. Dai pocaiti Davicaru:

⁷ Baigʌʌlidi ʌoodami ismaacʌɖa Diuusi oigʌldi soimaascamigadʌ.

⁸ Baigʌʌlidi ʌoodami ismaacʌɖa Diuusi camaisoimaasi taatatulda agai.

Ascaiti Davicaru.

⁹⁻¹⁰ Avraañi sʌʌlicʌɖa baigʌʌli aidʌsi Diuusi oigʌli ʌgai dai cʌʌgacʌɾa nʌidi ducami istomali amo imidagai maisoimaasi ivuaadamudai vaavoitudacai ʌgai Diuusi maiquiaa iquitʌcai ʌgai gʌtuucuga. Pouduucai cʌʌga gʌmaata isDiuusi oigʌldi dai cʌʌgacʌɾa nʌidi ʌgai ismaacʌɖa iquitʌcai gʌtuucuga siʌʌsi ʌgai ismaacʌɖa maiquitʌcai gʌntuucuga. ¹¹ Avraañicaru cavaavoitu Diuusi dai gooquiʌɾa iquitʌ gʌtuucuga sai poduucai nʌidiña aa isDiuusi cacʌʌgacʌɾa

nλidi λgai, vaavoitu λgai Diuusi cascλdλ. Dai poduucai Avraañicaru λraduñdλcatadai λgai ismaacλdλ vaavoitudai Diuusi maiiquitλcai gλtuucuga dai poduucai λpλ gλmaatλ isDiuusi oigλldi dai cλλgacλrλ nλidi λgai. ¹² Avraañicaru λraduñdλcatadai λgai ismaacλdλ iquitλcλi gλntuucuga vaavoitudacai Diuusi λpan duucai Avraañicaru vaavoitudaitadai.

— — —

¹³ Diuusi aagidi λAvraañicaru sai vλλsi oidigi λrtuidadλca agaitadai, λgai λλmadu cajiudadλ, Diuusi poduucai aagidi Avraañicaru vaavoitudacai λgai dai maisiu λλgidacai Diuusi sλλlicamigadλ. ¹⁴ λλmoco pocaiti sai vλλsi oidigi λrtuidadλca agai λgai ismaacλdλ λλgidi Diuusi sλλlicamigadλ dai maisiu λgai ismaacλdλ vaavoitudai Diuusi dλmos gomaasi maitλrvaavoi. Isiλrpoduucaicamudai aidλ gia maitλrsoiñicamudai vaavoidaragai, tomali maitλrsoiñicamudai ismaacλdλ aagai Diuusi. ¹⁵ Siλλscadλ aatλmλ garaajagλdagi isλλgiadagi Diuusi sλλlicamigadλ sai λgai cλλgacλrλ gλrnλidiña dai sai cλλgacλrλ gλrvuvaidana λgai viaa issoimaasi gλrtaatamituldidiadagi maicλλga λλgigitai aatλmλ. Ismaitiipucamudai sλλlicami aidλ gia maitiipucamudai oodami maiλλgidaracami.

¹⁶ Diuusi cλλgacλrλ nλidi λoodami vaavoitudacai λgai daidλ λoodami maigamaitλcλi cλλgacλrλ vuvaidaragai. Cλλga maatλ aatλmλ isDiuusi cλλgacλrλ gλrnλidi tomasi ivueeyi aatλmλ judidíu viituldaragadλ ischo λpλ, isvaavoitudada

aatΛmΛ Diiusi Δpan duucal Avraañicarū. Podu-
 ucail Δgai ΔrgΔraduñicaru, ¹⁷ cascΔΔ pocaiti Diu-
 usi sai Avraañicaru ΔroogadΔ ducami mui oodami
 naana maasi ñioocadami. Diiusi cΔΔgacΔrΔ ñaidi
 tomastuma oodami isvaavoitudagi Diiusi Δpan
 duucal Avraañicaru. Diiusi aliΔ viaa guvucadagai
 dai Δgai duduaacaldi coidadΔ dai siΔΔscadΔ Diu-
 usi aagadagi saidΔ ΔpΔdunia agai Δmo istumaasi
 ismaacΔΔ maiquiaa ΔpΔdii ducami iscaasi ΔpΔ
 duuñimudai.

¹⁸ CascΔΔ aidΔsi Diiusi aagidi Avraañicaru
 sai ooñigadΔ marata agaitadai saidΔ ΔmaradΔ
 cajiudadΔ sΔΔlicΔΔ muiduca agaitadai
 taidΔ Avraañicaru cΔΔga vaavoitu tomasi
 maibaigaca maascatadai gomaasi. ¹⁹ Tomasi
 Avraañicaru viaacatadai Δmo sientu uumigi
 daidΔ Saara ΔrooñigadΔ dai viaacatadai
 maaco coobai dan baivustaama uumigi aliΔsi
 ΔrcΔcΔΔliocoidadΔcatadai Δgai dai camaibaigaca
 maascatadai ismaamaracagi. ²⁰ DΔmos
 Avraañicaru apiacΔΔga vaavoitudaitadai Diiusi
 dai asta vaamioma vaavoitu. Dai tomasi
 maiquiaa viaacatadai Δgai istumaasi aagidi
 Diiusi vΔΔscΔrΔ cΔΔga ñioo Δgai Diiusi vΔΔtarΔ.
²¹ SΔΔlicΔΔ cΔΔga vaavoitudai Δgai isDiiusi
 istutuidi isiduñiagi istumaasi aagai. ²² CascΔΔ
 Diiusi oigΔldi Avraañicaru soimaascamigadΔ
 dai Diiusi pocaiti sai camaitΔrsoimaasi
 iducami Avraañicaru. ²³ AidΔsi Diiusi aagidi
 Avraañicaru sai oigΔli Δgai dai cΔΔgacΔrΔ ñaidi
 ducami istomali Δmo imidagai maisoimaasi
 iduuñimudai mosvaavoitudacai Δgai Diiusi,
 maisiu mosΔcaasi Avraañicaru aagidi Δgai

gomaasi. ²⁴ Diuusi g_Λraagidi aat_ΛΛ_Λ Λ_ΛΛ_Λ. Diuusi g_Λroig_Λldi dai c_ΛΛgac_ΛΛ_Λ g_Λr_Λldi aat_ΛΛ_Λ Λ_ΛΛ_Λ ismaac_ΛΔ_Λ vaavoitudai Diuusi ismaac_ΛΔ_Λ duaacali g_Λr_ΛΛaan_ΛΔamiga Suusi Cristo coidad_Λ saagidaiñd_ΛΛ_Λ. ²⁵ Agai muu dai poduuc_Λi g_Λroig_Λldi g_Λrsoimaascamiga dai duaaca dai poduuc_Λi Diuusi pocaiti sai camait_Λrsoimaasi iducami aat_ΛΛ_Λ.

5

¹ Poduuc_Λi Diuusi c_ΛΛgac_ΛΛ_Λ g_Λr_Λldi ducami istomali Λmo imidagai maisoimaasi ivuaadamudai vaavoitudac_Λi aat_ΛΛ_Λ dai poduuc_Λi g_Λniib_Λstacan tadacagi g_Λriib_Λdaga. Suusi Cristo muu dai poduuc_Λi g_Λroig_Λldi g_Λrsoimaascamiga casc_ΛΔ_Λ. ² Dai poduuc_Λi istutuidi aat_ΛΛ_Λ ismamadadagi dai poduuc_Λi apiac_ΛΛgac_ΛΛ_Λ g_Λr_Λldi Diuusi. Dai alia baig_Λr_Λldi aat_ΛΛ_Λ n_Λn_Λracatai si_ΛΛscad_Λ Diuusi g_Λr_Λvaidaquiagi t_Λvaagiamu t_Λsai Λ_Λmadu daraajana. ³ Dai g_ΛΛag_Λi isbaig_Λr_Λliadagi aat_ΛΛ_Λ si_ΛΛscad_Λ soimaa taatamadagi, gomaasi g_Λrsoic_Λi aat_ΛΛ_Λ issoimaa taatamadagi dai maivui ñi_Λocadagi Diuusi dai t_Λsai vaamioma ivuaada r_Λlidiña istumaasi Diuusi ip_Λldi. ⁴ Dai si_ΛΛscad_Λ soimaasi taatamadagi dai maivui ñi_Λocadagi poduuc_Λi baig_Λldi Diuusi aat_ΛΛ_Λc_ΛΔ_Λ. Dai si_ΛΛscad_Λ Diuusi baig_Λliadagi aat_ΛΛ_Λc_ΛΔ_Λ gomaasi g_Λrsoic_Λi t_Λsai n_Λn_Λracana aat_ΛΛ_Λ si_ΛΛscad_Λ Diuusi g_Λr_Λvaidaquiagi t_Λvaagiamu dai s_ΛΛlic_ΛΔ_Λ vaavoitudai aat_ΛΛ_Λ isDiuusi s_ΛΛlic_ΛΔ_Λ iduñia agai istumaasi aagai ñi_Λoquid_ΛΛ_Λ. ⁵ Dai

si¹¹ascad¹² vaavoitudai aat¹³am¹⁴ Diuusi tomali
 amo imidagai maisiaa gar¹⁵aratudadamu ¹⁶agai,
¹⁷agai v¹⁸ascara¹⁹ ivueeyi istumaasi aagai casc²⁰ad²¹.
 Diuusi ootoi gal²²badaga sai gar²³amad²⁴u daacana
 dai Diuusi Ib²⁵ad²⁶ gar²⁷mamaat²⁸tuldi sai Diuusi
 ali²⁹asi gar³⁰oig³¹adai.

⁶ Aat³²am³³ maitistutuiditadai is³⁴agi c³⁵agac³⁶ara³⁷
 gar³⁸vuvaidagi. Tai Suusi Cristo divia aid³⁹asi
 Diuusi ip⁴⁰ali dai muu sai c⁴¹agac⁴²ara⁴³ vuvac⁴⁴ana
 soimaasi ivuaadami. ⁷ Baitoma maitiipu tomali
 amaadutai oidigi daama siora⁴⁵ muquia liadagi
 sai c⁴⁶agac⁴⁷ara⁴⁸ vuusai⁴⁹na amai tomasi c⁵⁰ll
 tuiga ismaac⁵¹ad⁵² gamuaatuda agadagi. Damos isali⁵³ c⁵⁴ll
 tuigacagi amo oodami ismaac⁵⁵ad⁵⁶ gamuaatuda
 agadagi aid⁵⁷ gia oidacan tada amaadutai siora⁵⁸
 muquia liadagi ⁸ gai v⁵⁹lata⁶⁰. ⁸ Damos Cristo
 muu tasai aat⁶¹am⁶² c⁶³agac⁶⁴ara⁶⁵ vuvac⁶⁶ana tomasi
 quiaa arsoimaasi ivuaadamicatadai aat⁶⁷am⁶⁸ ⁹ dai
 poduuc⁶⁹ai Diuusi gar⁷⁰t⁷¹agi isali⁷²asi gar⁷³oig⁷⁴adai
 dai c⁷⁵agac⁷⁶ara⁷⁷ gar⁷⁸n⁷⁹idi ducami istomali amo
 imidagai maisoimaasi ivuaadamudai casc⁸⁰ad⁸¹
 aat⁸²am⁸³ camaiviaa issoimaa taatagi Diaavora
 lam⁸⁴adu. ¹⁰ Aid⁸⁵asi maiquiaa vaavoitu aat⁸⁶am⁸⁷
 Diuusi, ¹¹ gai gar⁸⁸vuid⁸⁹ara⁹⁰ caat⁹¹catadai soimaasi
 ivuaadatai aat⁹²am⁹³ damos Suusi Cristo muu tasai
 aat⁹⁴am⁹⁵ c⁹⁶agac⁹⁷ara⁹⁸ vuvac⁹⁹ana dai poduuc¹⁰⁰ai Diuusi
 camait¹⁰¹rvuid¹⁰²ara¹⁰³ caat¹⁰⁴. Sivi siooma c¹⁰⁵llga istutuidi
 Diuusi isc¹⁰⁶agac¹⁰⁷ara¹⁰⁸ gar¹⁰⁹vuvaidagi duaacacai Suusi
 Cristo dai camaivuid¹¹⁰ara¹¹¹ v¹¹²lata¹¹³ aat¹¹⁴am¹¹⁵ Diuusi.
¹¹ Casc¹¹⁶ad¹¹⁷ ali¹¹⁸ baig¹¹⁹ar¹²⁰lidi aat¹²¹am¹²² Diuusi vui.

¹² Adánacaru ar¹²³ap¹²⁴agadad¹²⁵ oodami ismaac¹²⁶ad¹²⁷
 oidacatadai oidigi daama dai soimaasi idui

Agai dai cascada muu cascada vlassi oodami soimaasi ivueeyi dai cooyi. ¹³ Ismaitiipucamudai sallyicami tomali amaadutai maitistutiadamudai ispocaitiadagi ismailagidi sallyicami vlassara aidasi maiquiaa maa Diuusi gallyicamiga Moseesacaru oodami casoimaasi ivuaadatadai. ¹⁴ Damos oodami vlassara coodana lapa aidasi abiaadara oidacatadai Adanacaru asta aiduucami sioidacatadai Moseesacaru poduucai isduucai cooyi Moseesacaru abiaadara dai sivi quiaa cooyi cascada gmaatla issoimaasi ivuaadana agai tomasi maipan duucai soimaasi ivuaadana agai Adanacaru. Maipan tuutuiga Adanacaru lamadu Cristo ismaacada divia agaitadai.

¹⁵ Adanacaru soimaasi idui dai cascada muu agai dai vlassi cajiudadala coi lapa damos Suusi Cristo muu dai poduucai Diuusi oigaldi dai calgacala naidi muidutai. Poduucai maipan dui Suusi Adan. ¹⁶ Asoimaascami ismaacada idui Adan maipa maasi calgacala vuvaidaragai ismaacada garmacai Diuusi. Adanacaru soimaasi idui dai cascada soimaasi ivueeyi vlassi oodami vai Diuusi soimaasi taatamituldi damos Cristo muu vai cascada Diuusi calgacala naidi ducami istomali amo imidagai maisoimaasi ivuaadamudai, dai calgacala vuvaidi tomasi oodami aliisi arsoimaasi ivuaadami. ¹⁷ Adanacaru soimaasi idui dai cascada vlassi oodami viaa iscoiyagi, Suusi Cristo muu dai vlassatai ismaacada Diuusi calgacala naidi ducami istomali amo imidagai maisoimaasi iduunimudai agai oidacamu Suusi Cristo lamadu lavaagiara tomastuigaco.

¹⁸ Adanacaru soimaasi idui dai cascada soimaasi ivueeyi vlassatai vai Diuusi soimaasi

taatamituldi. Damos Suusi Cristo idui amo istumaasi cagaducami vai cascada Diuusi cagacara naidi oodami ducami istomali amo imidagai maisoimaasi iduunimudai dai poduucai tomastuigaco oidacamu Diuusi lamadu. ¹⁹ Adanacaru maiangi Diuusi vai cascada vascatai soimaasi ivueeyi damos Suusi Cristo ang Diuusi vai Diuusi cagacara naidi oodami ducami istomali amo imidagai maisoimaasi ivuaadamudai.

²⁰ Diuusi maa oodami gallicamiga sai poduucai maatana oodami isalia maiangidi Diuusi. Damos aidasi oodami vaamioma soimaasi ivuaadatadai vaamioma oigaldi Diuusi agai dai oigadai.

²¹ Oodami apiasoimaasi ivuaadatadai dai cascada viaacata dai iscoiyagi. Damos Suusi Cristo muu sai poduucai oodami cagacara vuvacana dai tomastuigaco oidacana Diuusi lamadu dai cascada Diuusi cagacara naidi oodami ducami istomali amo imidagai maisoimaasi iduunimudai dai poduucai tangi agai oodami isalia oigadai.

6

¹⁻³ Damos maitaagai isapiasoimaasi ivuaadagi vai poduucai Diuusi oigaldiadagi dai poduucai gamaata issallicada oigadai agai oodami. Gantagitovurai isvascatai aatama ismaacada casi garvapacoi Suusi Cristo guvucadadacada poduucai arapan ducami iscoimudai aatama agai lamadu dai viaa aatama guvucadada agai dai istutuidi aatama iscamaisoimaasi ivuaadagi. Suusi Cristo vaamioma viaa guvucadagai

isΔDiaavora, cascΔΔ maitΔaagai issoimaasi ivuaadagi.

4-5 AatΔΔ quiaa Δrsoimaasi ivuaadamicatadai dai aidΔsi gΔrvapacoi aatΔΔ ducami isyaasapicamudai ΔΔmadu Cristo dai ducami isduduaacamudai aatΔΔ coidadΔ saagidaiñΔrΔ ΔΔmadu Cristo Diuusi guvucadadΔcΔdΔ dai poduucai viaa aatΔΔ ibΔdagai utudui. 6 Dai ducami iscoi aatΔΔ curusiaba Suusi Cristo ΔΔmadu dai poduucai camaitivueeyi aatΔΔ mosΔcaasi istumaasi ipΔlidi aatΔΔ poduucai isduucai ivuaadana ΔΔquioma, 7 Δmo muuquiadΔ camaisoimaasi ivueeyi cascΔΔ. 8 Ducami iscacoi aatΔΔ Cristo ΔΔmadu sΔΔlicΔdΔ ducami iscaduduaaca Cristo ΔΔmadu dai caviaa ibΔdagai utudui. 9 CΔΔ maatΔ aatΔΔ sai Cristo duaaca coidadΔ saagidaiñΔrΔ dai camaimuquia agai tomali Δmo imidagai cascΔΔ. 10 Oodami soimaasi ivueeyi cascΔΔ Cristo curusiaba muu poduucai Diuusi soimaasi taatatuli Suusi Cristo dai camaiviaa isΔpamu muquiagi. DΔmos sivi Suusi Cristo tomastuigaco oidaga Diuusi ΔΔmadu ivueeyi Diuusi aa duiñdadΔ. 11 SiΔΔscadΔ soimaasi iduñia Δliada aapimΔ gΔaagai mΔspoΔliada aapimΔ mΔsaidΔ ΔrcoidadΔ ducami dΔmos isiduñia Δliada aapimΔ Diuusi aa duiñdadΔ Suusi Cristo ΔΔmadu gΔaagai mΔspoΔliadagi mΔsai maitΔrcoidadΔ.

12 CasiavΔr maitΔndadagitoda isΔDiaavora soimaasi gΔnduiñtuldagi dai poduucai camaisoimaasi ivuaadamu aapimΔ. 13 MaitavΔr ivuaada istumaasi ΔDiaavora ipΔliadagi baiyomavΔr ivuaada istumaasi Diuusi ipΔliadagi ducami iscacoimudai aapimΔ dai Δpamu duduaca. 14 ΔDiaavora camaitΔntΔaanΔdamu.

AapimΛ camaiviaa isΛΛgiadagi vΛΛsi ismaacΛΔΛ aagai Moseesacaru sΛΛlicamigadΛΓΛ dai cΛΛgacΛΓΛ vuvaquiagi, mosgΛaagai isvaavoitudagi Suusi Cristo vai poduucai Diuusi gΛnoigΛldi dai cΛΛgacΛΓΛ gΛnnΛidi.

15 VΛΛscΛΓΛ maitΛaagai isapiasoimaasi ivuaadagi tomasi maiviaa isΛΛgiadagi vΛΛsi ismaacΛΔΛ aagai Moseesacaru sΛΛlicamigadΛΓΛ.

16 CΛΛ maatΛ aapimΛ sai isΛmaadutai baiduñiagi dai gaaata duñia agadagi Λmo piooñi duucai Λgai gia viaa isΛΛgiadagi gΛaamu. Poduucai ΛpΛ sioorΛ ΛΛgiadagi ΛDiaavora gΛaamu duucai tomali Λmo imidagai maiimia agai Diuusi ΛΛmadu. DΛmos sioorΛ ΛΛgiadagi Diuusi cΛΛgacΛΓΛ oidacamu dai imi agai Diuusi ΛΛmadu. 17 DΛmos baigiñΛlidi aanΛ DiuusicΛΔΛ isaapimΛ ismaacΛΔΛ ΛΛquioma ΛΛgidiña ΛDiaavora gooquiΛΓΛ cavaavoitu Diuusi dai sivi ΛΛgidityai caΛ Diuusi ñiooquidΛ. 18 Dai sivi camaitΛrpipiooñigadΛ aapimΛ ΛDiaavora baiyoma ΛrpipiooñigadΛ aapimΛ Diuusi dai cΛΛgacΛΓΛ oidaga. 19 Aagai aanΛ gapipiooñiga dai gaaamu mai poduucai sioma cΛΛga maatΛ caΛca aapimΛ. ΛΛquioma ΛΛgidiña aapimΛ ΛDiaavora daidΛ ivuaadana mui naana maasi soimaascami dΛmos sivi gΛaagai isΛΛgiada aapimΛ Diuusi daidΛ ivuaadagi istumaasi cΛΛgaducami.

20 AidΛsi quiaa ΛΛgidiña aapimΛ ΛDiaavora maiviaacana aapimΛ isivuaadagi istumaasi cΛΛgaducami. 21 Istumaasi ivuaadana aapimΛ maitΛrsoiñi poduucai baiyoma mosmaitistutuiditadai aapimΛ isiimiagi Diuusi ΛΛmadu mossiaa ΛΛrai aapimΛ sivi ΛgaicΛΔΛ

ismaacΛΔΛ ivuaadana. ²² DΛmos sivi camaiΛΛgidi aapimΛ ΔDiaavora baiyoma ΛΛgidi aapimΛ Diuusi gomaasi gia Δrsoiñi dai poduucai aapimΛ ΔrΛcovai vuvaidadΛ Diuusi dai tomastuigaco oidacamu aapimΛ Diuusi ΛΛmadu. ²³ Δgai ismaacΛΔΛ ΛΛgidi ΔDiaavora maiimia agai Diuusi ΛΛmadu dΛmos Δgai ismaacΛΔΛ ΛΛgidi Diuusi, Diuusi maaquimu Δgai oigaragai istomastuigaco oidacamu Diuusi ΛΛmadu vaavoitudaitai Δgai Suusi Cristo.

7

¹ Giñaaduñi aapimΛ cΛΛga maata isΔmo oodami istutuidi isivuaadagi istumaasi aagai sΛΛlicamiΔrΛ siΛΛsi uucami oidacagi siΛΛscadΛ coiyagi amaasi gia cho. ² Amo ooqui cunacami viaa isΛΛmadu oidacagi gΛcuna siΛΛsi uucami oidacagi cunadΛ, poduucai aagai sΛΛlicamiΔrΛ cascΛΔ. DΛmos siΛΛscadΛ muquiagi cunadΛ Δooqui camaiviaa isΛΛgiadagi gosΛΛlicami ismaacΛΔΛ poduucai aagai sai Δmo ooqui cunacami viaa isΛΛmadu oidacagi gΛcuna. ³ DΛmos isΔooqui vΛΛnagi Δmai cΛΛli quiaa oidacatai cunadΛ Δgai soimaasi ivueeyi. Dai ismuquiagi cunadΛ Δgai istutuidi isvΛΛnagi Δmai cΛΛli dai maisoimaasi ivueeyi.

⁴ Giñaaduñi poduucai ΔΔpΛ aidasi muu Suusi Cristo camaiviaa isivuaadagi istumaasi aagai Moseesacaru sΛΛlicamigadΛ dai aidasi vaavoitudai Suusi Cristo poduucai Δrducami iscoimudai aapimΛ Suusi Cristo ΛΛmadu curusiaba dai cascΛΔ maiviaa isivuaadagi istumaasi aagai Moseesacaru sΛΛlicamigadΛ dai cΛΛgacΛrΛ vuvaquiyagi, dai ducami

isduduaacamudai aapimΛ coidadΛ saagidaiñdΛrΛ
 ΛΛmadu Cristo Diuusi guvucadadΛcΛdΛ dai
 poduucai viaa ibΛdagai utudui dai Cristo
 ΛΛmadu oidaga daidΛ ivueeyi Diuusi aa duiñdadΛ.
 5 AidΛsi quiaa ivuaadatadai aapimΛ istumaasi
 ΛDiaavora ipΛlidi aidΛsi maí aapimΛ Moseesacaru
 sΛΛlicamigadΛ vaamioma soimaasi ivuaada
 Λlidadai dai poduucai camaiiimia agaitadai
 aapimΛ Diuusi ΛΛmadu. 6 DΛmos sivi ducami
 iscacoimudai Cristo ΛΛmadu cascΛdΛ maiviaa
 isivuaadagi istumaasi aagai Moseesacaru
 sΛΛlicamigadΛ. ΛΛquioma ivuaadatadai aapimΛ
 Diuusi aa duiñdadΛ Λgigitai Moseesacaru
 sΛΛlicamigadΛ. Λgai ΛrcΛΛlimudadΛ sΛΛlicami.
 DΛmos sivi ivueeyi aapimΛ Diuusi aa duiñdadΛ
 viaacatai ibΛdagai utudui Diuusi IbΛadΛ
 guvucadadΛcΛdΛ.

7 CΛΛ maata aapimΛ isMoseesacaru
 sΛΛlicamigadΛ maitΛrsoimaascami. VΛΛscΛrΛ
 ismaiidacamudai sΛΛlicami maimaatΛcamudai
 aanΛ istumaasi Λrsoimaascami. IssΛΛlicamiΛrΛ
 maiaagadamudai sai maitΛagai isviaaca Λliadagi
 gavustuidaga aidΛ gia maimaatΛcamudai aanΛ
 gomaasi. 8 AidΛsi maiquiaa maatacatadai
 aanΛ ΛsΛΛlicami maimaatΛcatadai aanΛ
 istumaasi Λrsoimaascami dΛmos aidΛsi
 maí aanΛ ΛsΛΛlicami aidΛ gia aanΛ viaaca
 iñΛlidadai gavustuidaga aanΛ Λrsoimaasi
 ivuaadamicatadai cascΛdΛ. Ismaiidacamudai
 sΛΛlicami maimaatΛcamudai oodami istumaasi
 Λrsoimaascami. 9 AidΛsi maiquiaa maata
 caΛcatadai aanΛ ΛsΛΛlicamigadΛ Moseesacaru
 aanΛ aliΛ baigiñΛlidiña dΛmos aidΛsi camaí aanΛ

istumaasi aagai Moseesacaru sΛΛlicamigadΛrΛ aidΛ gia maí aanΛ ismaiΛΛgidadai ΛsΛΛlicami daidΛ rsoimaasi ivuaadamicatadai, dai poduucai maiimia iñagaitadai aanΛ Diuusi ΛΛmadu. ¹⁰ Dai poduucai ΛsΛΛlicamiΛrΛ gΛaagaitadai ismaatΛmudai aanΛ isducatai cΛΛgacΛrΛ oidacagi baiyoma maí aanΛ ismaiimia iñagaitadai Diuusi ΛΛmadu. ¹¹ Poduucai ΔDiaavora giñyaatagi giñtΛgitoli ansaidΛ istutuidi aanΛ isΛΛgiadagi vΛΛsi Moseesacaru sΛΛlicamigadΛ dai cΛΛgacΛrΛ vuusiagi dΛmos maitistui aanΛ isΛΛgidagi vΛΛsi Moseesacaru sΛΛlicamigadΛ dai cascΛdΛ maiimia iñagaitadai Diuusi ΛΛmadu.

¹² SΛΛlicamiΛrΛ maiaagai tomali Λmo istumaasi soimaascami vΛΛsi istumaasi gΛaagai ami ΛrcΛΛgaducami. ¹³ ΛsΛΛlicami maitΛrduñidΛ ismaiimi iñagaitadai aanΛ Diuusi ΛΛmadu, ΔDiaavora rduñidΛ, Λgai soimaasi iduiñtuldi oodami cascΛdΛ. Λoodami maiΛΛgidi Diuusi sΛΛlicamigadΛ dai poduucai soimaasi ivueeyi dai maiimia agai Diuusi ΛΛmadu dai poduucai gΛmaatΛ ismaicΛΛgadu issoimaasi ivuaadagi.

¹⁴ Diuusi maa ΛsΛΛlicami Moseesacaru dai ΛsΛΛlicami aliΛ cΛΛgadu. DΛmos aanΛ piooñigadΛ giñducami ΔDiaavora dai cascΛdΛ soimaasi ivuaada iñΛlidi aanΛ. ¹⁵ AanΛ sΛΛlicΛdΛ ivuaada iñΛlidi istumaasi cΛΛgaducami, dΛmos maitistutuidi, baiyoma ivueeyi aanΛ istumaasi maiiojoidi. ¹⁶ CΛΛ maatΛ aanΛ ismaicΛΛga ivueeyi dai maatΛ aanΛ isΛsΛΛlicami aliΛ cΛΛgadu tomasi maiΛΛgidi aanΛ. ¹⁷ Poduucai aanΛ maisoimaasi ivuaada iñΛlidi dΛmos ΔDiaavora soimaasi giñduiñtuldi cascΛdΛ maitΛrgiñduñi aanΛ. ¹⁸ Dai cΛΛ maatΛ aanΛ

iñsaanΛ arsoimaasi ivuaadami maitiñΛΛmadu daacatai Diuusi. AanΛ cΛΛga ivuaada iñΛlidi dΛmos maitistutuidi. ¹⁹ AanΛ maitivueeyi istumaasi cΛΛgaducami tomasi cΛΛga ivuaada iñΛlidi baiyoma apiasoimaasi ivueeyi aanΛ tomasi maisoimaasi ivuaada iñΛlidi. ²⁰ Poduucai isivuaada aanΛ istumaasi maitipΛlidi, ΛDiaavora Λgai dai soimaasi giñduiñtuldi.

²¹ Gomaasi apΛvueeyi aanΛcΛdΛ siΛΛscadΛ cΛΛga ivuaada iñΛliada aanΛ baiyoma soimaasi ivueeyi. ²² AanΛ oojoidi Diuusi sΛΛlicamigadΛ ²³ dΛmos oidaga Λmo istumaasi ismaacΛdΛ giñsobicΛi isΛΛgiada aanΛ Diuusi sΛΛlicamigadΛ. Λgai arΛDiaavora ismaacΛdΛ soimaasi giñduiñtuldi dai giñmaisacan duu.

²⁴ SΛΛlicΛdΛ soigiñΛlidi aanΛ. SioorΛ arpipiooñigadΛ Diaavora maiajioopai Diuusi ΛΛmadu cascΛdΛ aliΛsi tΛgito aanΛ sioorΛ cΛΛgacΛrΛ giñvusaidagi vai giñdagituagi ΛDiaavora nai camaisoimaasi ivuaada aanΛ. ²⁵ BaigiñΛlidi aanΛ DiuusicΛdΛ isSuusi Cristo gartΛaanΛdamiga istutuidi iscΛΛgacΛrΛ giñvuusaidagi. AanΛ ΛΛgiada iñΛlidi Diuusi sΛΛlicamigadΛ dΛmos ΛDiaavora soimaasi giñduiñtuldi.

8

¹ SioorΛ vaavoitudai Suusi Cristo dai camaisoimaasi ivueeyi isduucai ivuaadana maiquiaa vaavoitudacai Suusi Cristo baiyoma ivueeyi istumaasi Diuusi IbΛadΛ ipΛlidi, Λgai gia Diuusi caoigΛi dai maisoimaasi taatatuldamu. ² SioorΛ vaavoitudai Suusi Cristo

ʌgai viaa guvucadadʌ Diuusi Ibʌadʌ ismaacʌdʌ
 gʌrmaacai ibʌdagai utudui. Diuusi Ibʌadʌ
 guvucadadʌ cʌʌgacʌrʌ giñvʌsaitu taidʌ ʌDiaavora
 giñdagito nai imia iñagai aanʌ Diuusi ʌʌmadu
 cascʌdʌ camaitʌagai issoimaasi ivuaada aanʌ.
 3 ʌoodami maitistutuidi iscʌʌgacʌrʌ vuvaquiagi
 Moseesacaru sʌʌlicamigadʌcʌdʌ, maiʌʌgidi ʌgai
 sʌʌlicami cascʌdʌ. Dʌmos Diuusi ootoi gʌmara
 sai ʌgai cʌʌgacʌrʌ vuvaidana ʌoodami. Suusi
 Cristo ʌrDiuusi maradʌ dai oodami duucai
 vuusai dʌmos tomali ʌmo imidagai maisoimaasi
 idui ʌgai. Oodami ʌrsoimaasi ivuaadami
 cascʌdʌ Suusi Cristo curusiaba gʌmuaatu
 ducami isʌgai ʌrsoimaasi ivuaadamicamudai
 dai oodami camaisoimaasi ivuaadami duucai vii.
 4 Diuusi idui gomaasi tʌsai poduucai istutuidiña
 aatʌmʌ isʌʌgiadagi istumaasi aagai sʌʌlicamiʌrʌ
 camaitivueeyi aatʌmʌ istumaasi aatʌmʌ ʌgi
 ipʌlidi baiyoma ivueeyi aatʌmʌ istumaasi ipʌlidi
 Diuusi Ibʌadʌ.

5-6 Sioorʌ ivueeyi istumaasi ʌʌgi ʌgai ipʌlidi
 ʌgai mostʌʌgitoiña istumaasi iduñia ʌlidi.
 ʌgai maiviaa ibʌdagai utudui. Dʌmos sioorʌ
 ivueeyi istumaasi ipʌlidi Diuusi Ibʌadʌ ʌgai
 mostʌʌgitoiña istumaasi Diuusi Ibʌadʌ ipʌlidi
 isivuaada ʌgai. Dai ʌgai gia viaa ibʌdagai utudui
 dai gʌniibʌstacan taadacana. 7-8 Sioorʌ ivueeyi
 istumaasi ʌʌgi ʌgai ipʌlidi vui vʌʌʌ Diuusi.
 ʌgai maitipʌlidi tomali maitistutuidi isʌʌgiadagi
 Diuusi sʌʌlicamigadʌ cascʌdʌ Diuusi maitistutuidi
 isbaigʌliadagi ʌgaicʌdʌ.

9 Dʌmos Diuusi Ibʌadʌ aapimʌ gʌʌʌmadu
 daja cascʌdʌ maitivueeyi aapimʌ istumaasi

ΛΛgi ipΛlidi baiyoma ivueeyi aapimΛ istumaasi ipΛlidi Diuusi IbΛadΛ. IsDiuusi IbΛadΛ maiΛΛmadu daacagi oodami Λgai maivaavoitudai Suusi Cristo.

¹⁰ DΛmos isΛCristo ΛΛmadu daacagi oodami Diuusi cΛΛgacΛrΛ nΛijadamu Λgai ducami istomali Λmo imidagai maisoimaasi ivuaadamudai cascΛdΛ tomastuigaco oidacamu ibΛadΛ. ¹¹ Diuusi duaacali Suusi Cristo coidadΛ saagidaiñdΛrΛ daidΛ isDiuusi IbΛadΛ gΛnΛΛmadu daacagi aidΛ gia siΛΛscadΛ coiya aapimΛ Diuusi gΛnduduaacaldamu. Diuusi IbΛadΛ gΛnΛΛmadu daja cascΛdΛ.

¹² Giñaaduñi aatΛmΛ viaa isivuaadagi istumaasi Diuusi IbΛadΛ ipΛlidi dai maisu istumaasi aatΛmΛ ΛΛgi ipΛliadagi. ¹³ DΛmos isaapimΛ ivuaadagi istumaasi aapimΛ ΛΛgi ipΛliadagi aidΛ gia maiimimu aapimΛ Diuusi ΛΛmadu. Baiyoma isDiuusi IbΛadΛ guvucadadΛcΛdΛ ivuaada aapimΛ istumaasi Diuusi IbΛadΛ ipΛlidi aidΛ gia camaisoimaasi ivuaadamu aapimΛ.

¹⁴ SioorΛ vaavoitudadagi isDiuusi IbΛadΛ soicΛi sai cΛΛga tΛtΛgitoiña, Λgai ΛrDiuusi maamaradΛ. ¹⁵ Diuusi IbΛadΛ divia dai gΛnΛΛmadu daaca agai cascΛdΛ maitΛagagai isΛΛbiada aapimΛ Diuusi Λpan duucaι Λmo piooñi ΛbΛidiña gΛaamu. AapimΛ ΛrmaamaradΛ Diuusi, Diuusi IbΛadΛ ipΛlidi cascΛdΛ. CascΛdΛ gΛaagagai isgΛrooga aagada aatΛmΛ Diuusi. ¹⁶ Dai Diuusi IbΛadΛ gΛrmaatΛtuli sai aatΛmΛ sΛΛlicΛdΛ ΛrDiuusi maamaradΛ. ¹⁷ AatΛmΛ ΛrDiuusi maamaradΛ cascΛdΛ gΛrmaaquimu Λgai istumaasi viaa poduucai isduucai maacai Λgai Suusi Cristo. AatΛmΛ vΛΛscΛrΛ oidaca ragai Suusi Cristo ΛΛmadu tΛvaagiΛrΛ cascΛdΛ viaa aatΛmΛ issoimaa

taatamadagi poduucai isduucai soimaa taata agai.

¹⁸ VΛASCARA siΛASCADA tATAGitoda aatAMA isDiuusi gARmaquia agai mui naana maasi CACΛAGaducami dai istumaasi soimaa taatamai aatAMA sivi maitARistumaasi. ¹⁹⁻²¹ AidAsi Adánacaru soimaasi idui EdeenARA aidA abiaadARA divia ADiaavora oidigARA dai Diuusi soimaa taatatuli Adánacaru dai ootoi oidigARA muuquigami dai darai uuparai dai mui naana maasi istumaasi maicACΛAGaducami. SiΛASCADA Suusi Cristo diviagi APamu tami oidigi daama dai VΛAsi vaavoitudadami ΛAMadu daraajamu poduucai gAMAatAMu isΛVAavoitudadami sALLicADA ARDiuusi maamarada amaasi ugitimu uuparai, dai VΛAsi soimaascami, dai muuquigami dai VΛAsi istumaasi maicΛAGadu oidigi daama, ADiaavora camaitAanADA agai cascADA. DaidA ΛVAavoitudadami camaisoimaasi ivuaadamu tomali AMo imidagai. ²² CAA maata aatAMA iscoocodagai, dai soimaa taataragai, dai muuquigami dai VΛAsi istumaasi soimaascami oidaga oidigi daama. ²³ Dai aatAMA ismaacADA vaavoitudai Suusi Cristo soimaa taatamai APa tomasi Diuusi Ibaada gARAMadu daja dai apiasoimaasi taatamai dai nANARA siΛASCADA gAMAatAMu isVΛAsi vaavoitudadami sALLicADA ARmaamarada tAVAagiARA dai aatAMA casi ipAlidi isajiagi siΛASCADA Diuusi gARmaquiagi ibADagai utudui dai camaicoocorda ragai dai camaicoodamu aatAMA. ²⁴ Sioora CΛAGacARA vuvaquia Aliadagi gAagai isvaavoitudadagi dai nANARacagi siΛASCADA Diuusi CΛAGacARA vuvaidagi soimaasi ivuaadami saagidaiñdARA

damos istumaasi canaijada oodami maitaagai isapianaracagi. ²⁵ Baiyoma istumaasi mainaijada agai gia gaagai isnaracagi dai isnaracagi vaavoitudaitai amo istumaasi gomaasi garsoicai isnaracagi maivui ñioocaitai Diusi.

²⁶ Dai Diusi Ibada garsoicai ara ismamadadagi aatama maimaata isducatai dai maimaata istumaasi aagidagi Diusi. Diusi Ibada daanai Diusi aatama garvatarai mainiooquicada mosaijigai agai. ²⁷ Diusi caa maata istumaasi tatagitoi oodami dai caa maata istaiya alidi Diusi Ibada siuu duucu agai daanai Diusi vaavoitudadami vatarai istumaasi Diusi ipalidi.

²⁸ Caa maata aatama sai isoigada aatama Diusi dai isivuaada istumaasi Diusi ipalidi aidai gia vasi istumaasi avuaadagi aatamacada arsoini aatama lagi garvatarai. Diusi poduucai ipalidi saidai arsoinicana aatama garvatarai cascada. ²⁹ Tucamidara abiaadara Diusi maata siora covai vuvaituda agai saidai aramaamaradacana. Diusi laqui abiaadara aagai sai siora vaavoitudagiupan tuutiaca agai Diusi marada ismaacada tavai tvaagiaiñdara dai poduucai Diusi marada arsilagida ducamica agai. ³⁰ Dai covai vuvaidacai aagidi sai lagiditai cacana istumaasi aagidagi agai dai siora lagiditai caaca istumaasi aagai Diusi. Diusi calgacara naidi agai ducami istomali amo imidagai maisoimaasi ivuaadamudai. Dai Diusi

aagai sai amo imidagai oidacamu agai amadu tavaagiarat tomastuigaco.

³¹ Vasi gomaasicada cal maata aatama isDiuusi sallicada garsoicai dai tomali maadutai maivaamioma istutuidi isDiuusi. ³² Diuusi ootoi gamara tami oidigi daama dai dagito sai soimaa taatana muucucui curusiaba tasai poduucui calgacarat vuvacana aatama dai Diuusi sallicada garmaquia agai vasi istumaasi tagito aatama poduucui isduucui ootoi agai gamara sai calgacarat garvuvaidana. ³³ Diuusi casi covai garvuvaitu dai calgacarat garnaidi ducami istomali amo imidagai maisoimaasi iduunimudai aatama cascada maitipu siora istutiadagi isgapiarat garvuupiadagi Diuusi vuitapi tasoimaasi ivueeyi.

³⁴ Cascada maitipu siora gataañiagi masai soimaasi gartaatuldana. Suusi Cristo muu dai gooquiarat apamu duaaca dai sivi salisa padarat daja Diuusi dai daanai Diuusi aatama garvullatarat.

³⁵ Aliasi garoigadai Suusi Cristo dai tomastuigaco garoigada agai, tomasi soigaralidi aatama, siara cococoficagi, siara soimaa taatamadagi, siara arsoituutuigamicagi siara gargagavia agadagi aa, siara garcooda agadagi aa, ³⁶ poduucui oojisi Diuusi ñooquidarat:

Siora ivuaadagi istumaasi Diuusi ipalidi aa loodami cooda agaiña.

Agai polidifia saida arcagagai iscoodadagi aran duucui vustaqui.

Asduu oojisi Diuusi ñooquidarat. ³⁷ Damos vascara vasi gomaasi maitarsobicai isvaavoitudadagi aatama baiyoma garsoicai isvaamioma calga vaavoituda aatama dai Suusi Cristo garoigadai

daidΛ gΛrsoicΛi ΛΛpΛ. ³⁸ Tomali Λmo istumaasi maisobicΛi Diuusi isgΛroigΛadagi tomali Diuusi tΛtΛaañicarudΛ, tomali ΛDiaavora tΛtΛaañicarudΛ, tomali istumaasi ΛpΛvueeyi sivi tomali istumaasi ΛpΛduñia agai gooquiΛrΛ, tomali ΛDiaavora ³⁹ tomali Λmo istumaasi ismaacΛdΛ oidaga tΛvaagiΛrΛ tomali Λmo istumaasi ismaacΛdΛ oidaga oidigi daama, tomasi coi aatΛmΛ vΛΛscΛrΛ Diuusi gΛroigΛdai cascΛdΛ ootoi gΛmΛra Suusi Cristo tami oidigi daama sai Λgai cΛΛgacΛrΛ gΛrvuvaidana.

9

¹⁻³ Giñaaduñi judidíu aliΛsi ipΛlidi aanΛ isvaavoitudagi aapimΛ Suusi Cristo. Tucara dai tAsrΛ aliΛ soigiñΛlidiña aanΛ aapimΛcΛdΛ. Suusi Cristo ΛΛmadu Diuusi IbΛadΛ cΛΛga maata issΛΛlicΛdΛ Λrvavoι ansai aanΛ ipΛlidi isDiuusi gajiaadΛrΛ giñviaagi isgomaasi Λrsoiñicagi iscΛΛgacΛrΛ vuvaquia aapimΛ. ⁴ AapimΛ Λrjudidíu dai Diuusi gΛmaamara duucaí gΛnnΛidi dai gΛnaaduñicaru nΛidiña isducatai Diuusi dadadacΛi gΛnsaagida. Diuusi aagidi gΛnaduñi Avraañicaru dai Davicaru saidΛ iduñia agai mui naana maasi cΛcΛΛgaducami cajiudadΛ vΛΛtarΛ, dai Diuusi maa sΛΛlicami Moseesacaru, dai Diuusi aagidi isducatai gΛaagai issiaa duutuadagi Diuusi, dai Diuusi aagidi isΛmo imidagai ootosa agaitadai Λmo cΛΛgacΛrΛ vuviadami. ⁵ Avraañicaru dai Isaacaru dai JacocarΛ ΛrgΛnaaduñicaru. Λgai ismaacΛdΛ Diuusi ootoi saidΛ ΛrcΛΛgacΛrΛ vuviadamicana Λgai Λrjudíu ΛΛpΛ daidΛ ΛrDiuusi

dai ʌgai tʌaanʌi vʌʌsi istumaasi oidaga oidigi daama dai tʌvaagiʌrʌ. Dai aanʌ ipʌlidi isoodami cʌʌga ñiioocadagi Diuusi vʌʌtarʌ tomastuigaco.

⁶ Tomasi maivaavoitudai muidutai judidíu dai maitʌrDiuusi maamaradʌ, vʌʌscarʌ vʌʌsi istumaasi aagadagi Diuusi vʌʌsi ʌpʌvueeyi. ⁷ Maisiu vʌʌsi Avraañicarʌ cajiudadʌ vaavoitudai ʌpan duucai ʌgai dai maisiu vʌʌscatai viaaca ʌgai istumaasi Diuusi aagidi Avraañicarʌ sai maquia ʌgai, mosʌca Avraañicarʌ cajiudadʌ ismaacʌdʌ vuvaja Isaiñdarʌ. ⁸ Poduucai gʌmaatʌ sai maisiu vʌʌsi Avraañicarʌ cajiudadʌ ʌrDiuusi maamaradʌ mosʌcaasi ʌgai ismaacʌdʌ vaavoitudai ismaacʌdʌ Diuusi aagidi Avraañicarʌ, ʌgai ʌrDiuusi maamaradʌ. ⁹ Diuusi aagidi Avraañicarʌ sai ʌmo uumigicʌdʌ divia agaitadai ʌpamu sai amaasi Saara marata agaitadai.

¹⁰⁻¹³ Aidʌsi Reveca nonoacatadai Diuusi aagidi sai cucuatai maamaraca ʌgai sai ʌmoco Esaú tʌʌgiduca ʌgai dai ʌgʌmai Jaco daidʌ ʌgʌducʌdioma ʌrpiooñigadʌca agaitadai aliducʌdʌ tomasi maiquiaa vuvaja dai maiquiaa ivuaadana tomali ʌmo istumaasi cʌʌgaducami tomali soimaascami. Daidʌ Isaa ʌroogadʌ ʌaali. Dai Diuusi aagidi sai oigʌdai Jaco dai cʌʌdai Esaú. Poduucai gʌmaatʌ isDiuusi istutuidi isʌcovai vuvaidagi sioorʌ ipʌliadagi.

¹⁴ Vʌʌscarʌ vʌʌsi gomaasicʌdʌ maitʌaagai isaatʌmʌ pocaitiadagi sai Diuusi maicʌʌga ivueeyi. ¹⁵ Diuusi potʌtʌdai Moseesacarʌ: “Aanʌ soigiñliadamu dai cʌʌgacʌrʌ ñaijadamu sioorʌ ipʌliada aanʌ”. ¹⁶ Poduucai gʌmaatʌ isDiuusi cʌʌgacʌrʌ ñaidi oodami maisiu mosipʌlidityai

oodami sai cΛagacΛra nΛidiña tomali cΛagacΛra oidacatai baiyoma Diuusi soigΛΛlidi oodamicΛda cascΛda cΛagacΛra nΛidi. ¹⁷ Diuusi ñiooquidΛra pocaiti sai Diuusi potΛΛdai ΛraígadΛ EjiipitΛra oidacami: “AanΛ gΛdagito isiarraíca aapi vai poduucai gΛmaatΛna iñsaanΛ aliΛ viaa guvucadagai dai poduucai gΛmaatΛna vΛΛsi oidigi daama siora aanΛ”. ¹⁸ Dai Diuusi soigΛΛlidi siora cΛda ipΛlidi Λgai dai Diuusi maidadagitoi isΛΛgiadagi siora ipΛliada Λgai.

¹⁹ IsΛmaadutai giñtΛcacagi: “IsDiuusi maidadagitoi isΛΛgiadagi oodami tuisi gΛpiΛra vuupai Diuusi oodami ismaiΛΛgiadagi”. ²⁰⁻²¹ Ducami isajaayi ñioocadamudai vΛΛscΛra maitΛagagai ispotΛΛada Λgai Λajaatadami: “¿Tuiyasi poduucai idui giñuusuu?” DΛmos oodami maitΛagagai isñiooquiadagi Diuusi. Diuusi idui oodami cascΛda viaa sΛlicami isivuaadagi oodamicΛda isducatai ipΛliadagi. CΛΛ maata vΛΛscatai isDiuusi idui oodami cascΛda oodami maiviaa sΛlicami ispotΛΛadagi Diuusi: “¿Tuiyasi poduucai giñdui?”

²² TucamidΛra cΛquivacai oidigi abiaadΛra Diuusi maivui baamucui ismaacΛda soimaasi ivueeyi dai maisoimaasi taatamituldi vΛΛscΛra Λmo imidagai soimaa taatatuldamu poduucai gΛmaata isDiuusi aliΛ viaa guvucadagai. ²³ Vai poduucai gΛmaata isaliΛsi gΛroigΛdai Diuusi aatΛma ismaacΛda Λcovai gΛrvuvaitu Λgai dai cΛagacΛra gΛrnΛidi daidΛ gΛrvuuquia agai tΛvaagiamu. ²⁴ Diuusi Λcovai vuvaitu ΛΛmoco Λjudidíu saagidaiñdΛra dai aa ismaacΛda maitΛrjudidíu saagidaiñdΛra. ²⁵ Osea ooja Diuusi

ñiooquidΛrΛ istumaasi aagai Diuusi sai pocaiti:
IsmaacΛdΛ maitΛrjudidíu saagida gaagamu aanΛ
aa vaidΛ Λrgiñmaamaracana.

Dai oigΛadamu aanΛ Λgai tomasi ΛΛquioma tomali
Λmaadutai maioigΛdaiña.

²⁶ Dai ismaacΛdΛ ΛΛquioma potΛtΛdai aapimΛ
maitΛrgiñmaamara.

Sivi povΛntΛΛdamu aanΛ aapimΛ Λrgiñmaamara.
AanΛ ΛrΛgai dai tomastuigaco oidaga.

Ascaiti Diuusi. ²⁷ Isaía pocaiti agaitai
Λjudidíu: “Tomasí judidíu aliΛ muidu vΛΛscΛrΛ
chiΛΛqui cΛΛgacΛrΛ vuvaquimu. Poduucai
isduucai maibaiga isΛcaldi Λorai poduucai
ΛΛpΛ maitistutuidi isΛcaldi Λjudidíu ismaacΛdΛ
oidaga oidigi daama sΛΛlicΛdΛ muidu Λgai
cascΛdΛ. ²⁸ SiΛΛscadΛ Diuusi gΛaagacai soimaa
taatatulda agadagi oodami oidigi daama Λgai
otoma naatomu”. ²⁹ Dai ΛΛquioma pocaiti ΛΛpΛ
Isaía:

Diuusi Λgai dai tΛaanΛi vΛΛsiaΛcatai.

IsΛgai maicΛΛgacΛrΛ vuvaidamudai chiΛΛqui aidΛ
gia aatΛmΛ Λpan duuñimudai SodoomΛrΛ
oidacami dai GomorΛrΛ oidacami.

Ascaiti Isaía.

³⁰ VΛΛsi gomaasicΛdΛ gamaataΛ sai tomasi
ismaacΛdΛ maitΛrjudidíu maivuum ΛnΛlidiña
isvaavoitudagi Diuusi sai Λgai cΛΛgacΛrΛ nΛidiña
dai todian duucai vaavoitu vai Diuusi cΛΛgacΛrΛ
nΛidi. ³¹ VaidΛ Λjudidíu gΛnaajagΛiña isΛΛgiadagi
vΛΛsi Moseesacaru sΛΛlicamigadΛ sai poduucai
Diuusi cΛΛgacΛrΛ nΛidiña Λgai ducami istomali
Λmo imidagai maisoimaasi ivuaadamudai

vΛΛscΛrΛ ḡgai maitistui iscΛḡga ḡḡgiadagi Moseesacaru sΛḡlicamigadΛ. ³² ḡgai maitΛḡgitoiḡa ismosvaavoitudacai Suusi Cristo Diuusi cΛḡgacΛrΛ nΛidiḡa ducami istomali ḡmo imidagai maisoimaasi ivuaadamudai, baiyoma polidiḡa ḡgai sai ḡḡgiditai Moseesacaru sΛḡlicamigadΛ Diuusi cΛḡgacΛrΛ nΛidiḡa ducami istomali ḡmo imidagai maisoimaasi ivuaadamudai cascΛdΛ vui baacoi ḡgai Suusi Cristo. ³³ Dai Isaía ooja isduucai aagidi Diuusi:

Ootosdamu aanΛ ḡCristo ḡjudidíu dai muidutai ḡgai vui baacoimu ḡCristo.

DΛmos sioorΛ vaavoitudagi maiviaacamu istuusi siaa ḡradagi.

Poduu ooja Isaía isduucai aagidi Diuusi.

10

¹ Giḡaaduḡi sΛḡlicΛdΛ ipḡlidi aanΛ iscΛḡgacΛrΛ vuvauquiagi ḡjudidíu cascΛdΛ mamadai aanΛ sai Diuusi cΛḡgacΛrΛ vuvaidana. ² CΛḡ maatΛ aanΛ isḡgai sΛḡlicΛdΛ siaa duutudai Diuusi dai ḡḡnaajagḡi isivuaadagi istumaasi Diuusi ipḡlidi dΛmos maimaatΛ. ³ ḡgai maimaatΛ caΛ isCristo muu curusiaba sai Diuusi oigḡldana soimaascamigadΛ dai cΛḡgacΛrΛ nΛidiḡa ducami istomali ḡmo imidagai maisoimaasi ivuaadamudai cascΛdΛ maivaavoitudai Suusi Cristo. Baiyoma ḡḡnaajagḡi isḡḡgiadagi vΛḡsi Moseesacaru sΛḡlicamigadΛ poliditai sai poduucai Diuusi cΛḡgacΛrΛ nΛijada ḡgai ducami istomali ḡmo imidagai maisoimaasi ivuaadamudai. ⁴ Maiquiaa diviacai Cristo ḡjudidíu ḡḡnaajagḡitadai isḡḡgiadagi

vΛasi Diuusi sΛalicamigadΛ agai poΛlidiña isΛagiditai sΛalicamigadΛ Diuusi cΛagacΛra nΛidi ducami istomali Λmo imidagai maisoimaasi ivuaadamudai. DΛmos Diuusi ootoi Cristo tami oidigi daama sai agai cΛagacΛra nΛidiña oodami ducami istomali Λmo imidagai maisoimaasi ivuaadamudai dai sivi gΛaagai isvaavoitudagi Cristo maisiu sΛalicami.

⁵ Moseesacaru poduucai ooja sai isΛmaadutai istutiadagi isΛagiadagi vΛasi sΛalicami dai maisoimaasi ivuaadagi tomali Λmo imidagai sai poduucai istutuidi iscΛagacΛra vuvaiagi.

⁶ DΛmos Diuusi cΛagacΛra vuvaidi oodami mosvaavoitudacai Suusi Cristo. GantΛgitovurai isSuusi Cristo cadivia tΛvaagiaiñdΛra, ⁷ daidΛ ismuu agai dai Λpan duaaca coidadΛ saagidaiñdΛra.

⁸ Dai aanΛ gaaagidi aipacoga sai Diuusi cΛagacΛra vuvaidi oodami mosvaavoitudacai Suusi Cristo dai tomasioora istutuidi isvaavoitudagi siuu duucu ipΛiadagi. ⁹ Sioora pocaitiadagi sai Suusi Cristo artΛaanΛdamigadΛ daidΛ isvaavoitudadagi sai Diuusi duaacali Suusi Cristo coidadΛ saagidaiñdΛra Diuusi cΛagacΛra vuvaidi.

¹⁰ Mosvaavoitudacai Diuusi cΛagacΛra nΛidi oodami ducami istomali Λmo imidagai maisoimaasi ivuaadamudai, dai sioora aagiadagi aa sai vaavoitudai Diuusi cΛagacΛra vuvaidi.

¹¹ Pocaiti Diuusi ñiooquidΛra sai sioora vaavoitudagi Suusi Cristo maiviaacamu istuisi siaa Λradagi. Cristo ivueeyi istumaasi aagai cascΛdΛ. ¹² Diuusi Λmadugan duucai cΛagacΛra vuvaidi Λjudidíu dai ismaacΛdΛ maitΛrjudidíu. Diuusi Λmadugan duucai tΛaanΛi dai nuucada

ajudidíu dai ismaacada maitarjudidíu dai soigalidi vallasicada siora aagiadagi sai oigaldana soimaascamigada. ¹³ Pocaiti Diuusi ñiooquidara: “Vallascatai siora vaavoitudagi dai daanadagi Diuusi, Diuusi cagacara vuvaidamu”. ¹⁴ Damos ismaacada maiquia vaavoitudai Diuusi siaadara aagidiña sai oigaldana soimaascamigada. Dai ismaacada maiquia ca Diuusi ñiooquida siaadara vaavoitudana. Dai ismaitiipucagi siora aagiadagi Diuusi ñiooquida, ¿ducatai cacana agai? ¹⁵ Dai ismaitiipucagi siora ootosagi oodami saida gaaagidiña Diuusi ñiooquida poduucai tiipu siora gaaagiadagi. Damos Diuusi gia caotoi ganiñiooquituldiadamiga. Cascada pocaiti Diuusi ñiooquidara: “Baiganalidiña oodami siascada tagiagi amo Diuusi ñiooquituldiadamigada ismaacada gaaagiadagi sai Diuusi ibastudacan tadatuda lidi oodami iblad”.

¹⁶ Damos maisiu vallascatai vaavoitu Diuusi ñiooquida. Isaíacaru potatadai Diuusi: “GiñDiuusiga baitoma tomali maadutai maivaavoitu aidasi aagidi aatama ganiñiooquituldiadamiga ganiioqui oodami”, astatadai Isaíacaru. ¹⁷ Tomali maadutai maitistutuidi isvaavoitudagi Suusi Cristo asta siascada ca isDiuusi ñiooquituldiadamigada aagiadagi isSuusi Cristo cagacara gavuvaidi.

¹⁸ Damos ajudidíu gia ca Diuusi ñiooquida. Pocaiti Diuusi ñiooquidara:

Tomasiaacoga gaagai Diuusi ñiooquida.

¹⁹ Daidajudidíu sallicada maata Diuusi ñiooquida pocaiti Moseesacaru:

Diuusi cagacara vuvaidamu ismaacada maitarjudidíu dai maimaatatadai Diuusi

ñiooquidΛ vai poduucai baacoiña Λjudidíu.

²⁰ Dai Isaía maiduaadicuitai ñioo dai aagai istumaasi aagidi Diuusi:

Tomasi maitatΛcakai ismaacΛdΛ maitΛrjudidíu isducatai istutuidi isgiñmatiagi vΛΛscΛrΛ ootoi aanΛ giññiooquituldiadamiga sai aagidana isducatai istutuidi isgiñmatiagi tai Λgai giñmaí.

Ascaiti Diuusi. ²¹ Dai aagai Isaía istumaasi aagidi Diuusi aagaitai Λjudidíu:

VΛΛscΛrΛ oigΛdai aanΛ giñmaamara dai daanΛi sai Λma duucai gΛntΛtΛgitona sai camaisoimaasi ivuaada agai dai siaa giñduutudana.

DΛmos Λgai gajiaadΛrΛ giñviaa dai maitiñΛΛgi.

Ascaiti Diuusi.

11

¹ AanΛ maipocaiti sai Diuusi gajiaadΛrΛ viaa Λjudidíu. SiaadΛrΛ pocaitiña aanΛ. AanΛ ΛpΛ Λrjudíu di. Dai aanΛ ΛrcajiudadΛ giñaaduñicaru Avraañi dai Benjamín. ² Diuusi ΛΛqui abiaadΛrΛ

Λcovai vuvaitu Λjudidíu cascΛdΛ maigajiaadΛrΛ vipieeyi. TΛgitovurai isducatai oojisi Diuusi ñiooquidΛrΛ. Eliiasi gamamadai dai pocaiti:

³ “GiñDiuusiga Λjudidíu aliΛ soimaasi ivueeyi. Λgai coi gΛñiñiooquituldiadamiga dai suuli Λaltar siaaco siaa gΛduutudaiña Λgai dai mosΛca aanΛ vii dai giñmuaa Λlidi Λgai aanΛ ΛpΛ”, ascaiti Eliiasi. ⁴ DΛmos Diuusi potΛtΛdai: “Quiaa oidaga cuvaracami mil oodami ismaacΛdΛ giñsiao duutudai. AanΛ nuucada Λgai dai Λgai maisiao duutudai Λmoonoo ismaacΛdΛ Baal tΛΛgidu”, ascaiti

viaa Suusi Cristo poduucai aidΛ abiaadΛΓΛ Diuusi cΛΛgacΛΓΛ nΛidi Λgai ismaacΛdΛ maitΛrjudidíu vΛΛsi oidigΛΓΛ oidacami dai siΛΛscadΛ Λpamu vaavoitudagi Λjudidíu Diuusi sΛΛlicΛdΛ aliasi cΛΛgacΛΓΛ nΛijadamu vΛΛsi oodami oidigi daama oidacami.

¹³ Sivi gΛnaagidamu aanΛ Λmo ñiooqui aapimΛ ismaacΛdΛ maitΛrjudidíu. CΛΛ maata aapimΛ isDiuusi giñootoi ansai aanΛ aagidana ismaacΛdΛ maitΛrjudidíu sai Suusi Cristo arcΛΛgacΛΓΛ vuviadami. Istumaasi gΛnaagidi sΛΛlicΛdΛ glaagai mΛsmaatΛcagi. ¹⁴ Dai sΛΛlicΛdΛ ipΛlidi aanΛ isgiñaaduñi judidíu vaavoitudagi Suusi Cristo dai poduucai cΛΛgacΛΓΛ vuvaquiagi nΛiditai isaapimΛ vaavoitudai. ¹⁵ Diuusi gajiaadΛΓΛ viaa Λjudidíu ismaacΛdΛ maivaavoitudai dai aidΛ abiaadΛΓΛ ootoi gΛñiñiooquituldiadamiga ismaacΛdΛ maitΛrjudidíu saagida cascΛdΛ Λgai casi istutuidi isarmaamaradΛcagi Diuusi. Dai siΛΛscadΛ Λjudidíu Λpamu vaavoitudagi Diuusi vai Diuusi cΛΛgacΛΓΛ nΛijadagi ducami isduduaacamudai Λgai. ¹⁶ Diuusi Λcovai vuvaitu Λjudidíu aaduñdΛcardu cascΛdΛ vΛΛsi Λjudidíu Λrcovai vuvaidadΛ Diuusi ΛpΛ.

¹⁷ Diuusi cagajiaadΛΓΛ viaa ΛΛmoco judidíu cajiudadΛ ismaacΛdΛ maivaavoitu dai ΛΛmoco aapimΛ ismaacΛdΛ maitΛrjudidíu ismaacΛdΛ cavaavoitudai casi ΛrDiuusi maamaradΛ vai cΛΛgacΛΓΛ gΛnnΛidi poduucai isduucai cΛΛgacΛΓΛ nΛidi Λgai Λjudidíu ismaacΛdΛ vaavoitudai. ¹⁸ Diuusi ñiñiooquituldiadamigadΛ ismaacΛdΛ gΛnaagidi Diuusi ñiooquidΛ Λrjudidíu daidΛ ΛcΛΛgacΛΓΛ vuviadami Λrjudíu ΛpΛ cascΛdΛ

aapim_Λ ismaac_Λd_Λ mait_Λrjudidíu mait_Λaagai
issoiduucai n_Λijadagi _Λjudidíu.

19 D_Λmos isaapim_Λ ismaac_Λd_Λ mait_Λrjudidíu
pocaitiadagi sai Diuusi gajiaad_Λr_Λ viaa _Λjudidíu
sai poduucai aapim_Λ _Λrmaamarad_Λcana Diuusi
20 g_Λaagai ist_Λt_Λgitodagi aapim_Λ sai _Λjudidíu
maivaavoitudai sai casc_Λd_Λ Diuusi gajiaad_Λr_Λ
viaa _Λgai. D_Λmos aapim_Λ _ΛrDiuusi maamarad_Λ
vaavoitudaitai. Casc_Λd_Λ aapim_Λ mait_Λaagai
isg_Λg_Λrduc_Λd_Λ g_Λn_Λliadagi. Baiyoma g_Λaagai
issiaa duutuadagi Diuusi vai _Λgai maigajiaad_Λr_Λ
g_Λn_Λviaagi aapim_Λ. 21 Diuusi gajiaad_Λr_Λ viaa
_Λjudidíu daid_Λ istutuidi isgajiaad_Λr_Λ g_Λn_Λviaagi
aapim_Λ _Λrp_Λ. 22 S_Λllic_Λd_Λ c_ΛΛ tuiga Diuusi
d_Λmos v_Λasc_Λr_Λ soimaa taatamituldi oodami.
Diuusi soimaa taatamituldi _Λgai ismaac_Λd_Λ
maivaavoitudai d_Λmos Diuusi c_ΛΛ tuiga
aapim_Λ g_Λn_Λvui. D_Λmos aapim_Λ ali_Λsi g_Λaagai
isapiavaavoitudadagi Diuusi vai poduucai _Λgai
maigajiaad_Λr_Λ g_Λn_Λviaagi. 23 Dai isaa judidíu
vaavoitudagi Diuusi aid_Λ gia _Λrmaamarad_Λcamu
Diuusi _Λrp_Λ. Diuusi istutuidi isc_Λgac_Λr_Λ
vuvaidagi tomasioor_Λ sioor_Λ vaavoitudagi.
24 Isaapim_Λ ismaac_Λd_Λ mait_Λrjudidíu c_ΛΛga
istutuidi is_Λrmaamarad_Λcagi Diuusi tomasi
_Λlquioma mait_Λrmaamarad_Λcatadai Diuusi,
vaamioma c_ΛΛga istutuidi _Λjudidíu Diuusi _Λco
vuvaidad_Λ si_Λrmaamarad_Λcagi Diuusi.

25 Giñaduñi, aan_Λ ip_Λlidi ismaat_Λca aapim_Λ
_Λmo istumaasi istumaasi maiquiaa maat_Λ
tomali _Λmaadutai vai poduucai maig_Λg_Λrduc_Λd_Λ
g_Λn_Λliada aapim_Λ p_Λlilitai sai vaamioma

sastuduga aapimΛ siΛjudidíu. ΛΛmoco Λjudidíu saagida vupuiirutu dai momaascamu Λgai asta siΛΛscadΛ Diuusi cΛΛgacΛrΛ vuvaitu vΛΛsi ismaacΛdΛ maitΛrjudidíu ismaacΛdΛ cΛΛgacΛrΛ vuvaida agai Diuusi. ²⁶ SiΛΛscadΛ poduucai ΛpΛ duñiagi amaasi Diuusi cΛΛgacΛrΛ vuvaida agai vΛΛsi Λjudidíu. Pocaiti Diuusi ñiooquidΛrΛ ΛpΛ:

ΛcΛΛgacΛrΛ vuviadami vuusia agai Λjudidíu saagidaiñdΛrΛ.

Dai Λgai Λma duucai tΛtΛgitoitulda agai Λjudidíu sai camaisoimaasi ivuaadana.

²⁷ Dai oigΛldamu Λgai vΛΛsi soimaascamigadΛ poduucai isduucai aagidi Diuusi Λjudidíu.

Ascaiti Diuusi ñiooquidΛrΛ.

²⁸ Muidutai Λjudidíu maioojoidi iscaΛcagi isSuusi Cristo ΛrcΛΛgacΛrΛ vuviadami dai Λgai vui vΛΛtΛ Diuusi dai poduucai aapimΛ ismaacΛdΛ maitΛrjudidíu istutuidi iscΛΛgacΛrΛ vuvaquiagi. DΛmos vΛΛscΛrΛ Diuusi quiaa oigΛdai Λjudidíu, Diuusi Λco vuvaitu aaduñdΛcardu cascΛdΛ.

²⁹ ΛΛquioma Diuusi Λco vuvaitu Λjudidíu sai Λgai ΛrmaamaradΛcana. Dai aagai sai cΛΛgacΛrΛ ñaijada agai vΛΛsi Λjudidíu tomastuigaco dai Diuusi vΛΛscΛrΛ ivueeyi istumaasi aagai.

³⁰ ΛΛquioma aapimΛ maiΛΛgidiña Diuusi dΛmos sivi Λjudidíu maiΛΛgidi Diuusi dai poduucai Diuusi cΛΛgacΛrΛ gannΛidi vaavoitudaitai aapimΛ. ³¹ Dai Diuusi soigaliadamu ΛjudidíucΛdΛ dai oigΛldamu soimaascamigadΛ Λgai ΛpΛ siΛΛscadΛ Λgai Λma duucai gΛntΛtΛgitoi. ³² Dai Diuusi ñiooquidΛ pocaiti isvΛΛsi oodami Λrsoimaasi ivuaadami dai Λgi oodami cΛΛ maata isΛrsoimaasi ivuaadami dai

poduucai cΛΛ maatΛ oodami isaliΛsi tΛgito isDiuusi oigΛli soimaascamigadΛ.

³³ SΛΛlicadΛ cΛΛ tuiga Diuusi. Aliasi saituduga Λgai dai maatΛ vΛΛsiaΛcatai. Oodami maimaatΛ vΛΛsi istumaasi ivueeyi Diuusi dai istumaasi tΛtΛgitoi. ³⁴ “Tomali Λmaadutai maitistutuidi ismaatiagi istumaasi tΛtΛgitoi Diuusi. Tomali Λmaadutai maimaatΛtuli Diuusi tomali Λmo istumaasi. ³⁵ Tomali Λmaadutai maitistutuidi isoidagi Diuusi Λmo istumaasi sai poduucai Diuusi cΛΛgacΛrΛ nΛidiña”. ³⁶ Diuusi idui vΛΛsiaΛcatai dai Diuusi guvucadΛcΛdΛ quiaa cΛΛca oidigi. VΛΛsi oodami aliΛsi gΛaagai iscΛΛga ñioocadagi Diuusi vui tomastuigaco.

12

¹ Giñaaduñi Diuusi casoigΛΛli aapimΛcΛdΛ dai oigΛli gΛnsoimaascamiga cascΛdΛ aanΛ gΛndaanΛi mΛsai potΛtΛdaiña Diuusi mΛsaidΛ ivuaada Λlidi istumaasi Λgai ipΛlidi. Dai cΛΛgacΛrΛ avΛr oidaca dai camaisoimaasi ivuaada. CΛΛgadu ispoduucai tΛtΛgitodagi aapimΛ dai poduucai ivuaadagi. Poduucai gΛaagai issiaa duutuada aapimΛ Diuusi. ² MaitavΛr Λpan duucai oidaca Λsoimaasi ivuaadami baiyomavΛr Λma duucai gΛntΛtΛgito dai poduucai Λma duucai oidacamu aapimΛ. Dai poduucai maatΛcamu aapimΛ istumaasi Diuusi ipΛlidi isivuaada aapimΛ. Diuusi baigΛΛlidi ispoduucai ivuaada aapimΛ daidΛ ΛrcΛΛgai aapimΛ gΛmvΛΛtarΛ poduucai vaamioma cΛΛga vaavoi-tudamu aapimΛ. Gomaasi Λrvaamioma cΛΛga

ducami siΛ tomastumaasi istumaasi isivuaadagi aapimΛ.

³ Diuusi cΛΛgacΛrΛ giñΛidi dai giñmaa sΛΛlicami ansai gamamaatΛtuldiña istumaasi Λgai ipΛlidi cascΛdΛ gΛnaagidi aanΛ sai maitΛaagai isgΛgΛrducΛdΛ gΛnΛliadagi. CΛΛgavΛr gΛntΛtΛgitoda. TΛtΛgitodavurai istumaasi Λrvaavoi istumaasi istutuidi aapimΛ isivuaadagi dai tΛtΛgitodavurai siΛsi vaavoitudai aapimΛ Diuusi. ⁴ Λmo oodami moo dai noonovΛ dai ΛcΛso dai maisiu mosΛcaasi gomaasi. GΛmoocΛdΛ maitivueeyi istumaasi ivueeyi gΛnoonovicΛdΛ dai gΛnoonovicΛdΛ maitivueeyi istumaasi ivueeyi gΛΛcΛsocΛdΛ. ⁵ Poduucai ΛpΛ aatΛmΛ vaavoitudadami tomas muidu vΛascΛrΛ aatΛmΛ ΛrΛmo adunumΛ ducami vaavoitudaitai Suusi Cristo dai Suusi Cristo ΛrgΛrtΛaanΛdamiga.

⁶ VΛascatai istutuidi isivuaadagi Λmo istumaasi Diuusi gΛrmaacai guvucadagai isducatai Λgai ipΛlidi. Istumaasi istutiada aatΛmΛ isivuaadagi gΛaagai iscΛΛga ivuaadagi. IsDiuusi maaquiagi guvucadagai ΛΛmadutai aapimΛ sai aagiña istumaasi Λgai gΛnaagiadagi, gΛaagai mΛsaagadagi poduucai isduucai gΛnmamaatΛtuli aatΛmΛ. ⁷ IsDiuusi maaquiagi guvucadagai aa sai soicΛiña oodami, gΛaagai iscΛΛga soicΛdagi. IsΛmadutai maatΛtai gamamaatΛtuldiadagi Diuusi ñiooquidΛ, gΛaagai iscΛΛga gamamaatΛtuldiadagi. ⁸ SioorΛ maatΛ soicΛdagi aa sai vaamioma vaavoitudana Λgai, gΛaagai ispovuaadagi. SioorΛ mui gamaacadagi tumiñsi Diuusi aa duiñdadΛ vΛΛtarΛ maitΛaagai isgΛducΛdΛ liadagi mui gamaacaitai. SioorΛ

gataaanΛdagi gΛaagai iscΛΛga gataaanΛdagi
 isduucatai baigΛliadagi Diuusi siooΓΛ daiviadagi
 ΛcococoidadΛ daidΛ Λsoituutuigami gΛaagai
 isbaigΛnliadagi.

9 SΛΛlicadΛ avΛr gΛnoigΛada aipacoga. Dai gaji-
 aadΛrΛ avΛr viaa vΛΛsi istumaasi soimaascami
 dai mosΛcaasi istumaasi cΛΛgaducami ivuaada.
 10 GΛnoigΛadavurai aapimΛ gΛnsiΛΛgΛmΛ duucai.
 GΛaagai issiooma gΛgΛrducadΛ duucai nΛijada
 aapimΛ aa isaapimΛ ΛΛgi.

11 MaitavΛr paparΛca. Ivuaadavurai istumaasi
 Diuusi ipΛlidi baigΛnliaragacΛdΛ.

12 BaigavΛr Λnliada aapimΛ nΛnΛracatai
 mΛsiΛΛscadΛ iimi agai tΛvaagiamu dai Λmdu
 oidaca agai Diuusi. MaitavΛr vui ñiocada Diuusi
 mΛsiΛΛscadΛ soimaa taatamadagi. VΛΛscΛrΛ avΛr
 daanΛda Diuusi.

13 Oidadavurai aa vaavoitudadami soituutu-
 igami mΛstumaasi viaacagi. Dai cΛΛgavΛr mi-
 aadΛgiada iimΛdami ismaacadΛ gΛndaiviadagi.

14 SiΛΛscadΛ soimaasi gΛntaatamituldiadagi aa,
 daanΛdavurai aapimΛ Diuusi sai Λgai oigΛldiana
 soimascamigadΛ dai cΛΛgacΛrΛ vuvaidana. Dai
 maigalnaasi ñiocada aapimΛ Λgai vui.

15 SiΛΛscadΛ gΛnaaduñi baigΛnliadagi aapimΛ
 ΛpΛ gΛaagai mΛsbaigΛnliadagi, dai siΛΛscadΛ
 gΛnaaduñi soigΛnliadagi aapimΛ ΛpΛ gΛaagai
 mΛssoigΛnliadagi.

16 CΛΛgacΛrΛ avΛr gΛnnΛijada aipacoga.
 MaitavΛr gΛgΛrducadΛ gΛnliada. CΛΛgacΛrΛ avΛr
 nΛijada soituutuigami. MaitavΛr povΛnliada
 aapimΛ mΛsialiΛ sastudaga. 17 MaitavΛr soimaasi

ivuiidiada sioorΛ soimaasi gΛnvuiidiada aapimΛ. MosgoΛΛgi istumaasi cΛΛgaducami avΛr ivuaada aapimΛ vΛΛscatai vuitapi. ¹⁸ MaitavΛr vuidΛrΛ vΛΛtaca aa oodami tomasi Λgai gΛnvuidΛrΛ vΛΛtΛ. ¹⁹ Giñaaduñi isΛmaadutai soimaasi gΛnduiñdagi aapimΛ maitΛagai issoimaasi taatatuldiagi. Diuusi soimaasi taatatuldiamu. Diuusi ñiooquidΛrΛ pocaiti: “AanΛ Λgai dai soimaasi taatamituldi soimaasi ivuaadami”, ascaiti Diuusi. ²⁰ Dai pocaiti ΛrΛ: “IsgΛnsasaayu biuugicoñicagi, bibiadavurai aapimΛ, dai istonocoñicagi, oidavurai suudagi. Ispoduucai ivuaada aapimΛ siaa Λratudamu aapimΛ”, ascaiti Diuusi ñiooquidΛrΛ. ²¹ MaitavΛr vuidΛrΛ vΛΛtaca aa oodami baiyoma cΛΛgacΛrΛ oidaca aapimΛ dai poduucai ΛDiaavora camaitistuidimu issoimaasi gΛnduiñtuldiagi.

13

¹ VΛΛscatai aliasi gΛaagai isΛΛgiadagi ΛtΛtΛaanΛdami. Diuusi darai vΛΛsi tΛtΛaanΛdami, tomali Λmaadutai maiviaa sΛΛlicami Λgi, Diuusi Λgai dai maacai. ² Poduucai ismaacΛdΛ maiΛΛgidi ΛtΛtΛaanΛdami Λgai vuidΛrΛ vΛΛtΛ istumaasi gataaanΛi Diuusi, dai Diuusi soimaasi taatatuldiamu. ³ TΛtΛaanΛdami maiΛΛbcatai sioorΛ maisoimaasi ivueeyi mosΛcaasi ismaacΛdΛ soimaasi ivueeyi. SioorΛ maiΛΛbiada Λliadagi ΛtΛtΛaanΛdami maitΛagai issoimaasi ivuaadagi, sidΛ ΛtΛtΛaanΛdami cΛΛga ñioocadamu gΛvui. ⁴ Λgai ΛrpipiooñigadΛ Diuusi daidΛ ivueeyi istumaasi cΛΛgaducami aapimΛ gΛmvΛΛtarΛ. DΛmos sioorΛ soimaasi ivuaadagi gΛaagai

isΛΛbiada ΛtΛΛaanΛdami. Λgai viaa sΛΛlicami
issoimaasi taatatuldiagi Λsoimaasi ivuaadami.

⁵ CascΛΔ gΛaagai isΛΛgiadagi ΛtΛΛaanΛdami
maisiu mosmaisoimaasi taatamada Λlidityai
gomaasi gΛaagai isipΛliadagi isivuaadagi cascΛΔ.

⁶ Atumiñsi vuudami ΛrpipiooñigadΛ ΛtΛΛaanΛdami
cascΛΔ maacai aapimΛ tumiñsi, vΛΛsi uumigi
istuigaco gataanΛi Λgai.

⁷ AnamΛquidavurai istumaasi vuaat-
uldi. SiaavΛr duutuada ΛtΛΛaanΛdami
ΛΛpΛ. ⁸ MaitΛaagai isapiagΛvuaatuliadagi.

GΛnoigΛadavurai aipacoga. SioorΛ oigΛada aa
Λgai ivueeyi istumaasi gataaanΛi Diuusi. ⁹ Diuusi
aagidi gΛsΛΛlicamiga Moseesacaru dai potΛtdai:
“MaitavΛr googosi gΛnducamica, dai maitavΛr
gacoodada, dai maitavΛr Λsivuaaca, maitavΛr
yaatagΛda tomali Λmaadutai, maitavΛr viaaca
Λliada gavustuidaga”. SioorΛ aliΛsi oigΛada
aa oodami dai sΛΛlicΛΔ ipΛliadagi sai Diuusi
soicΛiña isoigΛada aa oodami Λpan duucal Λgi
Λgai gΛoigΛada, poduucal Λgai gia ΛΛgidi vΛΛsi
istumaasi gataaanΛi Diuusi. ¹⁰ SioorΛ oigΛadagi
aa oodami Λgai maisoimaasi ivueeyi baiyoma
ivueeyi vΛΛsi istumaasi Diuusi gataaanΛi.

¹¹ Dai vΛΛsi gomaasi ivuaada aapimΛ
tΛtΛgitoitali isotoma dΛgavuscali gotasai dai sivi
cavaamioma miaadimi istuigaco iimia ragai
aatΛmΛ tΛvaagiamu cascΛΔ gΛaagai isvaamioma
cΛΛga ivuaadagi Diuusi aa duiñdadΛ. ¹² Cayoga
ugidagai siΛΛsi oidaca ragai aatΛmΛ tami oidigi
daama siaaco aliΛsi soimaasi ivueeyi oodami. Dai
miaadimi istuigaco oidaca ragai aatΛmΛ Diuusi
ΛΛmadu siaaco tomali Λmaadutai maisoimaasi

ivueeyi. Cascada gaaagai isgajiaadara viaagi vlassi soimaascami. Daidi ivuaadagi istumaasi cagaducami. ¹³ Maitavar navacorada, dai maitavar googosi ganduucamica dai maitavar oomaliaca, maitavar agacoitaraca, baiyoma cagacara oidaca aapima duucami iscaamadu oidacamudai Diuusi. ¹⁴ Apan duucai avar oidaca aapima Suusi Cristo maitavar ivuaada aliada istumaasi soimaascami tomali maitatagitoda gomaasi.

14

¹ Isamo vaavoitudadami maicaa maata caacagi vlassi istumaasi gamamaatatuldi aan lamadu aa oootosada Suusi Cristo vascara cagavar mi-aadagiada. Damos maitavar gnvupui ñiocada aagaitai ismaicaga maata ca agai lamo istumaasi. ² Lamoco vaavoitudai saidi istutuidi iscuadagi tomastuma cuadagai vai aa ismaacada maicaga maata ca istumaasi gamamaatatuldi aatama maicueeyi baabaidi. ³ Ismaacada cueeyi baabaidi maitaagai issoiduucai najadagi agai ismaacada maicueeyi. Dai ismaacada maicueeyi baabaidi maitaagai ispotatadagi agai ismaaca cueeyi sai maicaga ivueeyi, Diuusi cagacara naidi vascatai cascada. ⁴ Tomali amaadutai maiviaa samicami ispotatadagi gapipioñiga sai maicaga ivueeyi. Lagi aamuda viaa samicami isaagiadagi iscaga ivueeyi ismaicaga lapa. Vlassi lvaavoitudadami arDiuusi pipioñigada dai Diuusi istutuidi iscaga iduiñtuldiagi.

⁵ Λαμοκο vaamioma siaa duutudai λμο tasai siaa tasai dai aa πολιδι sai vλλς tasai λγαι vaa. Vλλscatai γααgai iscλλγα maatαcagi istumaasi ipλιδι isivuaadagi sai γααgai isivuaadagi.

⁶ Sioorλ siaa duutudai λμο tasai λgai povueeyi siaa duutuada λλιδιται Diuusi. Dai sioorλ maisiaa duutudai tomali λμο tasai λgai povueeyi siaa duutudai λλιδιται Diuusi. Dai sioorλ cueeyi baabaidi λgai povueeyi siaa duutuada λλιδιται Diuusi dai baigλιδι λgai Diuusi vui. Dai sioorλ maicueeyi baabaidi λgai povueeyi siaa duutuada λλιδιται Diuusi dai baigλιδι λgai Diuusi vui.

⁷ Λvaavoitudadami maitivueeyi mosαcaasi istumaasi λγι ipλιδι tomali maimaata siλλscadλ tomali isduucatai coi agai. ⁸ Vλλσι vaavoitudadami λrpipiooñigadλ Suusi Cristo quiaa oidacatai tami oidi daama dai coocai λλρλ. ⁹ Suusi Cristo muu tai Diuusi duaacali saidλ λrtλaanλdamigadλcana vaavoitudadami ismaacλdλ quiaa oidaga dai ismaacλdλ cacoi.

¹⁰ Dλmos aapimλ maitartλtλaanλdami cascλdλ maitλaagai ispotλtλdagi aa ismaicλλga ivueeyi, tomali maitλaagai issoiduucai nλijadagi. Vλλscatai viaa aatλmλ isvuidλrλ quiquivagi Suusi Cristo siλgai aagamu istumaasi cλλga ivuaadana aatλmλ dai istumaasi maicλλga ivuaadana aatλmλ. ¹¹ Diuusi ñiooquidλrλ pocaiti:

Sλλlicλdλ λrvaavoi isλmo imidagai vλλscatai maatλmu iñsaanλ λγαι ismaacλdλ vaamioma tλaanλi daidi giñsiaa duutuadamu.

Dai vλλscatai cλλga ñioocadamu aanλ gimvλλtarλ. Ascaiti Diuusi ñiooquidλrλ.

12 Poduucai vΛascatai aatΛmΛ aagidamu Diuusi istumaasi ivuaadana.

13 Amaasi camaitarñiooquiadamu aatΛmΛ aipacoga baiyoma maitΛaagai isivuaadagi aatΛmΛ tomali Λmo istumaasi istucΛdΛ soimaasi duiñtuldiagi aa. 14 CΛΛ maatΛ aanΛ istomali Λmo cuaadagai maidaidarsi vaavoitudacai Suusi Cristo. DΛmos sioorΛ polliadagi sai daidarsi Λmo cuaadagai Λgai gia maitΛaagai iscuaadagi. 15 IsΛmaadutai cuaadagi Λmo istumaasi vuitapi Λgai ismaacΛdΛ pollidi sai daidarsi dai vΛascarΛ uugiagi ΛpΛ, ismaacΛdΛ ΛpΛga uugiagi ducami ismaioigΛadagi Λgaa. MaitΛaagai mΛssoimaasi iduiñtuldiadagi aa mosugia Λliditai Λmo istumaasi. Suusi Cristo muu Λgai vΛatarΛ vΛΛsi. 16 Maitavar dagitu aa ispocaitiadagi mΛsai maicΛΛga ivueeyi tomasi aapimΛ gimvΛatarΛ maitarsoimaascami. 17 Diuusi arΛgai dai tΛaanΛi vΛΛsi vaavoitudadami. Diuusi maisi vΛaamΛ Λlidi istumaasi cuaadagi oodami tomali istumaasi yΛdagi vaamioma ipΛlidi Λgai iscΛΛgacΛrΛ oidacagi oodami, dai maitΛncocoadagi dai sai baigΛnΛlidiña. Diuusi IbΛadΛ garsoicΛi sai poduucai ivuaadana. 18 IsmaacΛdΛ poduucai oidaga Λgigitai Suusi Cristo, Λgai ivueeyi istumaasi Diuusi ipΛi vaidΛ aoodami cΛΛga ñioocada Λgai vΛatarΛ.

19 CascadΛ garaajagΛi aatΛmΛ isivuaadagi Λagi istumaasi garsoicΛi ismaitarcoocoadagi dai vaamioma cΛΛga maatΛcagi dai ΛΛgiadagi Diuusi ñiooquidΛ. 20 SΛlicadΛ maitΛaagai iscuaadagi baabaidi ispoduucai soimaasi iduiñtuldi aapimΛ aa vaavoitudadami vai

ʌgai vaamioma maicʌʌga maata caʌcagi dai
 vaamioma maicʌʌga ʌʌgiadagi Diuusi ñiooquidʌ.
 Vaavuava sai tomali ʌmo cuaadagai maidaidarsi.
 Dʌmos vʌʌscara maicʌʌgadu isʌmaadutai cueeyi
 baabaidi ispoduucai soimaasi iduiñtuldiadagi aa.
²¹ Aliʌsi ʌrcʌʌgai ismaicuaadagi baabaidi, tomali
 maitayʌʌdagi, tomali maitivuaadagi tomali ʌmo
 istumaasi istucʌʌ soimaasi iduiñtuldiagi aa vai
 ʌgai vaamioma maicʌʌga maata caʌcagi dai
 vaamioma maicʌʌga ʌʌgiadagi Diuusi ñiooquidʌ.
²² Ismaacʌʌ vaavoitudai sai maidaidarsi
 tomali ʌmo cuaadagai maitʌagagai isaagiadagi
 oodami mosʌcaasi Diuusi. Aliʌsi baigʌlidi
 ʌgai ismaacʌʌ ivuaadagai istumaasi ʌlidi ʌgai
 isʌrcʌʌgaducami maivuaamʌ ʌlidi tomasi aa ʌlidi
 ismaitʌrcʌʌgaducami. ²³ Dʌmos sioora cuaadagi
 baabaidi maicʌʌga vaavoitudaitai ismaidaidarsi
 baabaidi soimaasi ivueeyi. Vʌʌsi istumaasi
 ivuaadagi gʌaagagai isivuaadagi isduucatai
 vaavoitudadagi. Ismaacʌʌ maipovueeyi ʌgai
 soimaasi ivueeyi.

15

¹ Aatʌmʌ ismaacʌʌ vaavoitudai sai
 maidaidarsi tomali ʌmo cuaadagai aliʌsi gʌaagagai
 ismaivui ñioocada ʌгаа ismaacʌ vaavoitudai
 sai daidarsi ʌʌmo cuaadagai, dai maisiu
 ivuaadagi mosʌcaasi istumaasi ipʌlidi aatʌmʌ
 maitʌʌgitoitai istumaasi vaavoitudai ʌгаа.
² Vʌʌscatai aatʌmʌ aliʌsi gʌaagagai isivuaadagi
 istumaasi oojoidi gʌraaduñi vaavoitudadami vai
 poduucai soicʌida aatʌmʌ ʌгаа sai vaamioma

cΛΛga maata caΛcana Diuusi ñiooquida dai vaamioma cΛΛga oidacagi. ³ Poduucai idui ΛCristo. Agai maitidui mosΛcaasi istumaasi oojoidi cascada Diuusi ñiooquidara pocaiti: “VΛascatai ismaaca gΛcΛldai aapi giñcΛldai aanΛ Λpa”, astatadai ΛCristo Diuusi. ⁴ VΛasi istumaasi gaooja ΛΛquioma Diuusi ñiooquidara araatama garvΛatarΛ, tasai poduucai maatana istumaasi Diuusi ipalidi isivuaada aatama. SiΛscada nΛaniada aatama oojai istumaasi oojisi Diuusi ñiooquidara maamatarai aatama isducatai nuucada Diuusi loodami ΛΛquida dai isducatai soimaa taatamaiña agai dai maiñioocaiña Diuusi vui. Gomaasi garsoicai isapiavaavitudada isDiuusi garsoicai. ⁵ Diuusi aragai dai garsoicai sai maiñioocaiña agai vui tomasi soimaasi taatamai daida garsoicai isapiavaavitudadagi isagai garnuucada. Dai aanΛ ipalidi isagai gansoicada mai maitancoocada aapimΛ aipacoga baiyoma siaa ganduutuada aapimΛ aipacoga. Suusi Cristo ipalidi isovuaada aapimΛ cascada. ⁶ Vai poduucai aapimΛ Λmo tagitoidagai viaacagi dai cΛΛga ñioocada Diuusi vui. Diuusi aroogada gartaanΛdamiga Suusi Cristo.

⁷ CΛΛgacara avar gannajada aapimΛ aipacoga poduucai isduucai Suusi Cristo cΛΛgacara garnidi aatama vai poduucai cΛΛga ñioocadagi aa Diuusi vui. ⁸ ΛCristo divia dai Λjudidiu saagida oidaga cΛΛgacara vuvaida aliditai Λjudidiu. Poduucai apalidi istumaasi agidi Diuusi Λjudidiu ΛΛqui aaduñΛcardu sai Λmo imidagai divi agitadai Λmo cΛΛgacara vuviadami. Dai poduucai

maatʼtuldi Diuusi ʼgai sai istumaasi aagai Diuusi
 sʼalicʼda ʼrvaavoi. ⁹Daidʼ ʼCristo divia vaidʼ ʼgai
 ismaacʼda maitʼrjudidíu cʼga ñioocaiña Diuusi
 vui. Diuusi cʼgacʼra nʼidi ʼgai dai cʼgacʼra
 vuvaidi ʼgai cascʼda. Pocaiti Diuusi ñiooquidarʼ:
 Cascʼda cʼga ñioocadamu aanʼ aapi gʼvʼʼtarʼ ʼgai
 ismaacʼda maitʼrjudidíu saagida.

Dai ganʼdamu aanʼ siaa gʼduutudaitai.

Potʼʼdai Davicarʼ Diuusi.

¹⁰ Dai pocaiti ʼpʼ Diuusi ñiooquidarʼ:

Baigavʼ ʼnʼliada aapimʼ ismaacʼda
 maitʼrjudidíu ʼpan duucʼi aa ismaacʼda
 ʼrDiuusi maamaradʼ.

Ascʼaiti Diuusi ñiooquidarʼ.

¹¹ Dai pocaiti ʼpʼ Diuusi ñiooquidarʼ:

Cʼgavʼ ñioocada Diuusi vui vʼscatai aapimʼ is-
 maacʼda maitʼrjudidíu.

Dai vʼasi oodami gʼaagai iscʼga ñioocadagi Diuusi
 vui.

Dai gʼaagai ispocaitiadagi sai Diuusi sʼalicʼda
 viaa guvucadagai.

Ascʼaiti Diuusi ñiooquidarʼ.

¹² Dai pocaiti Isaía ʼpʼ aagaitai ʼCristo:

Dai ʼmoco ʼcʼjiudadʼaiñdarʼ Isaía divimu dai
 tʼaanʼdamu ʼgai ismaacʼda maitʼrjudidíu.

Daidi ʼgai ismaacʼda maitʼrjudidíu vaavoitu-
 damu isʼgai cʼgacʼra vuvaidamu.

Ascʼaiti Isaía.

¹³ Diuusi ʼragai ismaacʼda garsoicʼi isvaavoi-
 tudadagi istumaasi ʼrvaavoi. Dai aanʼ ipʼlidi
 isʼgai baiganʼliatuda dai ganibʼstudacan tada-
 catuda vaavoitudacai aapimʼ Diuusi vai Diuusi

IbΛadΛ guvucadΛcadΛ aapimΛ sΛΛlicadΛ vaavoitu-
dada isDiuusi gΛnucada.

14 Giñaaduni cΛΛ maataΛ aanΛ isaapimΛ cΛΛ
tuutuiga dai sastuduga dai cΛΛga istutuidi
isgΛnmamaatΛtuldiadagi aipacoga istumaasi
Diuusi ipΛlidi isivuaadagi. 15-16 DΛmos idi
oojai maiduadicuitai gΛnoojidi aanΛ dai Λpamu
gΛnaagidi aanΛ naana maasi. Diuusi giñmaa
sΛΛlicami ansaidΛ ΛrootosadΛcana Suusi Cristo
cascadΛ. Diuusi cΛΛgacΛrΛ giññΛidi dai giñootoi
ismaacΛdΛ maitΛrjudidíu saagida ansai aagidana
sai Diuusi cΛΛgacΛrΛ vuvaida Λlidi. Λpapaali judidíu
vuaapai naana maasi dai dadasdi Diuusi dai
aanΛ ipΛlidi isDiuusi nΛijadagi Λvaavoitudadami
ismaacΛdΛ maitΛrjudidíu Λpan duucai istumaasi
dadasdi aanΛ Diuusi. Diuusi IbΛadΛ Λco vuvaitu
Λgai cascadΛ Diuusi cΛΛgacΛrΛ nΛidi Λgai.

17 Suusi Cristo giñsoicΛi idi aa duiñdaga
ismaacΛdΛ ivueeyi aanΛ Diuusi vΛΛtarΛ cascadΛ
istutuidi aanΛ ispocaitiadagi sai cΛΛgadu.

18 Dai maisiaa Λrai aanΛ isgaaagiadagi vΛΛsi
istumaasi giñsoicΛi Suusi Cristo isivuaada
aanΛ. VΛΛsi istumaasi gaaagidi aanΛ Λgai
giñaaagidi dai Λgai giñmaa guvucadagai ansaidΛ
ivuaadana naana maasi istumaasi sai Λgai
ismaacΛdΛ maitΛrjudidíu ΛΛgidiña Diuusi.

19 SiΛΛscadΛ Λoodami nΛijadagi vΛΛsi istumaasi
gΛgΛrducami ismaacΛ ivueeyi aanΛ cΛΛga maata
Λgai isDiuusi IbΛadΛ guvucadadΛcadΛ ivueeyi
aanΛ gomaasi. Poduucai caaagidi aanΛ Λoodami
JerusaleenaiñdarΛ abiaadΛrΛ asta IliricoorΛ
isSuusi Cristo ΛrΛcΛΛgacΛrΛ vuviadami. 20 AanΛ
giñaaajagΛi isgaaagiadagi gomaasi siaaco maiquiaa

caΛ oodami isoidaga Suusi Cristo. Maitaaagiada iñΛlidi aanΛ siaaco casi gaaagidi aa. ²¹ Vai poduucai ΛpΛduuna istumaasi aagai Diuusi ñiooquidΛrΛ siaaco pocaiti Isaía:

MaatΛmu ismaacΛdΛ tomali Λmo imidagai maiquiaa caΛ isoidaga ΛCristo.

Dai maatΛ caΛcamu isΛgai ΛrΛcΛΛgacΛrΛ vuviadami.

Ascaiti Isaía.

²² ΛΛqui abiaadΛrΛ gΛnnΛida iñΛlidiña aanΛ dΛmos maitistutuidiña. Viaacatadai aanΛ isaagiadagi ismaacΛdΛ maiquiaa maatΛcatadai isSuusi Cristo ΛrΛcΛΛgacΛrΛ vuviadami. ²³ DΛmos sivi caaagidi aanΛ vΛascatai ismaacΛdΛ maimaatΛcatadai siaaco gaaata vuaadana aanΛ cascΛdΛ casistutuidi aanΛ ismΛΛca gΛnnΛidagi.

²⁴ Modaivana iñΛlidi aanΛ siΛΛscadΛ imiagi Espaañiamu. Dai siΛΛscadΛ gΛndivida aanΛ baigiñΛliadamu aanΛ gΛntΛΛgacai. AanΛ ipΛlidi isgiñsoiña aapimΛ istucΛdΛ imi aanΛ baitΛquioma.

²⁵ DΛmos quiaa imia iñagai Jerusaleenamu dai vuidaquia iñagai tumiñsi Λvaavoitudadami JerusaleenΛrΛ oidacami. ²⁶ Λvaavoitudadami MasedooniΛrΛ oidacami dai AcaayΛrΛ oidacami baigΛnΛlidi Λmpaidacai tumiñsi dai ootosda agai Λvaavoitudadami soituutuigami JerusaleenΛrΛ oidacami. ²⁷ Λgai soi ΛMasedooniΛrΛ oidacami dai ΛAcaayΛrΛ oidacami sai maatΛna isSuusi Cristo ΛrΛcΛΛgacΛrΛ vuviadami cascΛdΛ ΛMasedooniΛrΛ oidacami dai ΛAcaayΛrΛ oidacami gΛagaitadai issoiñiagi tumiñsicΛdΛ dai vΛascΛrΛ baigΛnΛlidi caΛmpaidacai. ²⁸ CascΛdΛ siΛΛscadΛ vuidaquia

aan Λ gotumiñsi Λ vaavoitudadami Jerusaleen Λ Λ oidacami casistutuidi aan Λ isimiagi Espaañiamu dai modaivunucai g Λ ndividagi. ²⁹ Si Λ Λ scad Λ ai aan Λ m Λ siaaco daraaja aapim Λ c Λ Λ maat Λ aan Λ isSuusi Cristo giñbai Λ liatuda agai. Aan Λ g Λ n Λ mamaat Λ tulda iñagai vaamioma Suusi Cristo mamaat Λ tuldiaragad Λ .

³⁰ Aapim Λ siaa duutudai Suusi Cristo daid Λ Diuusi Ib Λ ad Λ g Λ rsoic Λ i isg Λ roig Λ ada aat Λ m Λ casc Λ d Λ g Λ ndaan Λ i aan Λ m Λ sai mamadaiña aan Λ im Λ v Λ atar Λ . ³¹ Vai Diuusi maidagitona Judee Λ Λ oidacami ismaac Λ d Λ maivaavoitudai issoimaasi giñtaatatuldiagi. Dai daan Λ davurai Diuusi Λ Λ p Λ vaid Λ Λ vaavoitudadami Jerusaleen Λ Λ oidacami baig Λ Λ liarac Λ d Λ vuuna Λ tumiñsi ismaac Λ d Λ vuidiaquia iñagai aan Λ . ³² Vai poduucai isDiuusi ip Λ lidagi baigiñ Λ liatugada aan Λ si Λ Λ scad Λ g Λ ndividagi dai giñib Λ stagi g Λ ndividacai. ³³ Diuusi g Λ r Λ iib Λ studacan tadatudai dai aan Λ ip Λ lidi is Λ gai g Λ n Λ Λ madu daacagi.

16

¹ Gaamucu imi agai Peve. Goov Λ Λ rg Λ raduñi vaavoitudadami. Dai goovai soic Λ i Λ ooqui vaavoitudadami coococoidad Λ dai soituutuigami Sencree Λ Λ oidacami. ² Aan Λ ip Λ lidi isaapim Λ c Λ Λ ga miaad Λ giadagi si Λ Λ scad Λ ajia goovai, poduucai isduucai g Λ aagai m Λ smiaad Λ giadagi v Λ Λ si Λ vaavoitudadami. Dai maacadavurai istumaasi Λ gitoca goovai. Goovai soic Λ iña muidutai dai aan Λ Λ Λ p Λ giñsoic Λ iña goovai casc Λ d Λ .

³ Diuuscada avar viaatulda Prisila lamadu Aquila. Goovai arginaaduñi ismaaca giñsoiñacai gaaagidi isSuusi Cristo atacagacata vuviadami.

⁴ Goovai baitoma gancooditu dai cagacata gimvusaitu aidamasi giñmuua aagaitadai cascada aliñsi baigiñalidi aan goovaicada. Dai maisiu mosacaasi aan baigiñalidi vaascatai vaavoitudadami ismaacada maitarjudidiu baiganalidi lapa.

⁵ Diuuscada avar viaatulda lapa vaascatai vaavoitudadami ismaacada ganampaidi Prisila lamadu Aquila quidara. Diuuscada avar viaatulda Epeneto goovai arapagadada ismaacada vaavoitu Suusi Cristo Acaayara.

⁶ Diuuscada avar viaatulda María. Goovai aliñsi aata vueeyi aapima gansaagida. ⁷ Diuuscada avar viaatulda giñaduñi Andrónico lamadu Junias. Goovai giñlamadu maisapicatadai. Daid lojootosicami caga maata goovai, dai aliñ sias duutudai. Dai goovai araga vaavoitu Suusi Cristo iñsaan.

⁸ Diuuscada avar viaatulda Amplias. Agai aramai vaavoitudadami dai aliñ oigadai aan.

⁹ Diuuscada avar viaatulda Urbano goovai garlamadu aata vaaadana Suusi Cristo aaduiñdadara. Dai Diuuscada avar viaatulda Estaaquisi. Goovai aliñ oigadai aan.

¹⁰ Diuuscada avar viaatulda Apelesi. Goovai aliñ soimaa taatamai dai apiavaavoitudai Suusi Cristo. Diuuscada avar viaatulda Aristóbulo aaduiñda.

¹¹ Diuuscada avar viaatulda giñaduñi Erodiono lamadu Narsiso aaduiñda agai vaavoitudai Suusi Cristo.

¹² Diuuscada avar viaatulda Tripena lamadu Tripasa. Goovai aata vueeyi Suusi

Cristo aa duiñdadara. Diuuscada avar viaatulda graduñi Pérsida. Goovai ali oigadai aan dai ali asi aata vueeyi Suusi Cristo aa duiñdadara.

¹³ Diuuscada avar viaatulda Rupo. Goovai gia caga vaavoitudai dai cagacara oidaga. Diuuscada avar viaatulda Rupo dada. Goovai argiñdaada ducami.

¹⁴ Diuuscada avar viaatulda Asíncrito amadu Flegonte amadu Ermasi amadu Patroovasi amadu Ermesi amadu vaavoitudadami ismaacada amadu daraaja.

¹⁵ Diuuscada avar viaatulda Filólogo amadu Julia amadu Nereo amadu suculida amadu Oliimpasi amadu vascatai vaavoitudadami ismaacada amadu daraaja.

¹⁶ Cocomitucudavurai dai viaatuldiada gnaaduñi vaavoitudadami. Vasi aipacoga siaaco aimarai aan vascatai ismaacada vaavoitudai Suusi Cristo Diuuscada gamviaatuldi.

¹⁷ Gannucadacavurai gaidada ismaacada daivui dai gamamaatutldiña istumaasi maitarvaavoi dai poduucai cocotuldi vaavoitudadami dai soimaasi iduiñtuldi. Maitavar urapada agai.

¹⁸ Agai maitivueeyi istumaasi ipalidi Suusi Cristo. Agai baiyoma ivueeyi istumaasi lagi agai ipalidi. Agai vaa-munaiña oodami ismaacada polidi ismaitipu yaatavogami dai poduucai vupuiirumadiña.

¹⁹ Vascatai caa maata isduucatai agidiña aapima istumaasi gnaamatuldi aan cascada baigiñalidi aan. Dai aan ipalidi issastuduaca aapima daida ivuaadagi istumaasi cagaducami dai maisiu istumaasi maicagaducami. ²⁰ Diuusi garsoicai iscagacara oidacagi maitarcodaitai

aipacoga dai ʌgai ootoma aadaimu ʌDiaavora vai camaisoimaasi gʌrtaatamituldiña. Aanʌ ipʌlidi isSuusi Cristo gʌrtʌaanʌdamiga cʌʌgacʌrʌ gʌnnʌijadagi.

21 Diuuscʌdʌ gʌmviaatuldi Timoteo. Goovai giñsoiñacai ivueeyi iñaa duiñdaga. Dai Diuuscʌdʌ gʌmviaatuldi ʌʌpʌ Jasoñi ʌʌmadu Sosípater. Goovai ʌrgiñaaduñi.

22 Aanʌ Tersio ivuiididi idi oojai Paavora dai Diuuscʌdʌ gʌmviaatuldi ʌʌpʌ. Aanʌ vaavoitudai Suusi Cristo ʌʌpʌ.

23 Diuuscʌdʌ gʌmviaatuldi Gaayo. Goovai quiidʌrʌ giñuuliñaca aanʌ. Dai taañiupidiña goovai gʌquii ʌvaavoitudadami sai ami gʌnʌmpaidiña. Diuuscʌdʌ gʌmviaatuldi Erasto ʌʌpʌ. Goovai ʌrtumiñsi vuudami tanai. Diuuscʌdʌ gʌmviaatuldi Cuarto ʌʌpʌ.

24 Aanʌ ipʌlidi isSuusi Cristo cʌʌgacʌrʌ gʌnnʌijadagi aapimʌ vʌʌscatai.

25 Diuusi istutuidi isgʌnsoiñagi mai vaamioma cʌʌga vaavoituda aapimʌ istumaasi gʌnmaatʌtuldi aanʌ. Aanʌ gʌnmaatʌtuldi isSuusi Cristo ʌrʌcʌʌgacʌrʌ vuviadami dai naana maasi istumaasi Suusi Cristo ipʌlidi ismaatʌca aapimʌ. Gomaasi maitʌmaatʌcatadai ʌʌquioma²⁶ dʌmos sivi Diuusi gʌrmaatʌtuldi vʌʌsi gomaasi vai aatʌmʌ istutuidi isgʌnmaatʌtulda aapimʌ. Tomasi Diuusi ñiñiooquituldiadamigadʌ ʌʌquioma ooja isdivia agaitadai ʌCristo dʌmos ʌoodami maicʌʌga maatʌ caʌcatadai. Dai sivi cadivia Suusi Cristo dai gʌrmaatʌtuldi aatʌmʌ

ismaacΛΔΛ ʌrojootosadΛ vʌʌsi gomaasi. Dai aatʌmʌ gʌnmaatʌtuldi istuiya ʌlidi ismaacΛΔΛ ooja Diuusi ñiñiooquituldiadamigadΛ. Diuusi poduucai gatʌjai vai poduucai ʌoodami vʌʌsi oidigi daama oidacami vaavoitudana isSuusi Cristo ʌrʌcʌʌgacʌrʌ vuviadami dai ʌʌgidiña. Diuusi tomastuigaco oidagai.

²⁷ Aanʌ ipʌlidi isaapimʌ dai vʌʌsi oodami siaa duutuadagi Diuusi dai cʌʌga ñioocadagi giñʌpan duucai. Diuusi ʌgai dai maatʌ vʌʌsiaʌcatai. Poduucai ivueeyi aatʌmʌ vaavoitudaitai isSuusi Cristo ʌrʌcʌʌgacʌrʌ vuviadami.

Mosʌcaasi.

Diushi ñiooquidΛ utuducami oodamicΛdΛ
New Testament in Tepehuan, Northern
(MX:ntp:Tepehuan, Northern)

copyright © 1981 Wycliffe Bible Translators, Inc.

Language: Tepehuan, Northern

Translation by: Wycliffe Bible Translators, Inc.

Tepehuán del Norte [ntp], Mexico

Copyright Information

© 1981, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Tepehuan, Northern

© 1981, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 21 Feb 2024 from source files
dated 29 Jan 2022

1cd37655-9109-5b5b-ab5d-6e755e5aa421